

4 декабря 2024 по н. ст.

Ссылка на последование: <https://cerkva.minei.ru/glas/showSlugba?id=26691&dayId=30763>

Ссылка на день календаря: <https://cerkva.minei.ru/glas/indiktDay?id=30763>

**21 Ноября 2024 года, Среда, (А213), Введение (Вход) во храм Пресвятых
Владычицы нашей Богородицы и Приснодевы Марии.**

ВСЕНОЩНОЕ БДЕНИЕ

ВЕЛИКАЯ ВЕЧЕРНЯ

Диакон: Востаните.

Хор: Благословий.

Иерей: Слава Святых, и Единосущней, и Животворящей, и Нераздельней Троице всегда, ныне и присно,
и во веки веков.

Хор: АМИНЬ.

Священнослужители в алтаре:

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Приидите, поклонимся и припадём Ему.

Псалом 103, предначинательный:

Хор: Благословий, душе моя, Господа./ Благословен еси, Господи./ Господи,
Бже мой, возвеличился еси зело./ Благословен еси, Господи./ Вся
премудростию сотворил еси./ Слава Ти, Господи, сотворившему вся.

**Слава Отцу и Сыну и Святому Духу, и ныне и присно и во веки веков.
АМИНЬ.**

Аллилуиа, аллилуиа, аллилуиа, слава Тебе Бже. *(Трижды)*

Великая ектения:

Диакон: Миром Господу помолимся.

Хор: Господи, помилуй.

Диакон: О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святейшем Патриархе **(Имярек)**, и о Господине нашем,
Высокопреосвященнейшем митрополите (или: архиепископе, или: преосвященнейшем епископе **имярек**),
честнем пресвитерстве, во Христе диаконстве, о всем причте и людех, Господу помолимся.

О Богохранимем стране нашей, властех и воинстве ея, Господу помолимся.

О граде сем (или о веси сей), всяком граде, стране и верою живущих в них, Господу помолимся.

О благорастворении воздушных, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Бже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со
всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно
и во веки веков.

Хор: Амѣнь.

Блажен муж:

Хор: Блажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погибнет.

Аллилуиа, аллилуиа, аллилуиа.

Работайте Господеви со страхом и радуйтесь Ему с трепетом.

Аллилуиа, аллилуиа, аллилуиа.

Блажени вси надеющиеся Нань.

Аллилуиа, аллилуиа, аллилуиа.

Воскресни, Господи, спаси мя, Боже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилуиа, аллилуиа, аллилуиа.

Слава Отцу и Сыну и Святому Духу.

Аллилуиа, аллилуиа, аллилуиа.

И ныне и присно и во веки веков. Амѣнь.

Аллилуиа, аллилуиа, аллилуиа.

Аллилуиа, аллилуиа, аллилуиа, слава Тебе Боже. (Трижды)

Ектенія малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Амѣнь.

Господи, воззвах, глас 1:

Хор: Господи, воззвах к Тебе, услыши мя./ Услыши мя, Господи./ Господи, воззвах к Тебе, услыши мя:/ вонми гласу моления моего,/ внегда воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя.// Услыши мя, Господи.

Стихиры праздника:

Глас 1, Подобен: «О, дивнаго чудесе!...»:

На 8. Стих: Из глубины воззвах к Тебе, Господи,// Господи, услыши глас мой.

Стихира: Днесь, вернии, ликовствуим,/ во псалмех и песнях Господеви поюще/ и чтуще Того священную Сень,/ одушевленный Кивот, невместимое Слово вместившую:/ приводится бо Господеви,/ паче естества плотию младенствующи,/ и святитель великий Захария/ приемлет с веселием Сию,//

яко Божие Жилище.

Стих: Да будут уши Твой // внемлюще гласу моления моего.

Стихира: Днесь, вернии, ликовствуим, / во псалмех и песнях Господеви поюще / и чтуще Того священную Сень, / одушевленный Кивот, невместимое Слово вместившую: / приводится бо Господеви, / паче естества плотию младенствующи, / и святитель великий Захария / приемлет с веселием Сию, // яко Божие Жилище.

На 6. Стих: Аще беззакония назириши, Господи, Господи, кто постоит? // Яко у Тебе очищение есть.

Стихира: Днесь храм одушевленный святыя славы / Христа Бога нашего, / единая в женах Благословенная Чистая, / приводится в храм законный жити во святых; / и радуются с Нею Иоаким и Анна духом, / и девственнии лица Господеви поют, // псаломски воспевающе и чтуще Матерь Его.

Стих: Имене ради Твоего потерпех Тя, Господи, потерпел душа моя в слово Твое, // упова душа моя на Господа.

Стихира: Ты – пророков проповедание, / апостолов слава, и мучеников похвала, / и всех земнородных обновление, / Дево Мати Божия: / Тобою бо Богу примирихомся. / Темже чтим Твое в храм Господень вхождение / и со Ангелом вси песенно, / радуйся, Тебе, Пречистая, вопием, // Твоими молитвами спасаемии.

Глас 4, подобен: «Яко дбля...»:

На 4. Стих: От стражи утренния до нощи, от стражи утренния, // да уповает Израиль на Господа.

Стихира: Во святых святая, святая и непорочная, святым Духом вводится / и святым Ангелом питается, / сущи святейший храм Святаго Бога нашего, / всяческая освятившаго входом Ея // и обожившаго естество земных попользшееся.

Стих: Яко у Господа милость, и многое у Него избавление, // и Той избавит Израиля от всех беззаконий его.

Стихира: Во святых святая, святая и непорочная, святым Духом вводится / и святым Ангелом питается, / сущи святейший храм Святаго Бога нашего, / всяческая освятившаго входом Ея // и обожившаго естество земных попользшееся.

На 2. Стих: Хвалите Господа вси языцы, похвалите Его вси людие.

Стихира: Отроковицы, радующеся и свещи имуще, / свещи днесь предходят разумней / и вводят Сию во святая святых священно, / проявляюще хотящую Зарю неизреченно из Нея возсияти // и просветити во тьме седящия неведения Духом.

Стих: Яко утвердися милость Его на нас, и истина Господня пребывает во век.

Стихира: Веселяся, прими, Захарие, / возопи Анна всехвальная, / Юже проповедаша Божии пророцы Духом, / и Сию введи во святый храм священно воспитатися, / яко да будет Владыки всех Божественный престол, // и палата, и одр, и светозарное обителище.

Глас 8:

Слава Отцу и Сыну и Святому Духу и ныне и присно и во веки веков. Аминь.

По рождестве Твоем, Богоневесто Владычице, / пришла еси в храм Господень / воспитатися во святая святых, яко освященна; / тогда и Гавриил послан бысть к Тебе, Всенепорочней, / пишу Тебе принося. / Небесная вся удивилася, / зряще Духа Святаго, в Тя всельшася. / Темже, Пречистая и Нескверная, / яже на Небеси и на земли славила, // Мати Божия, спаси род наш.

Вход с кадилом:

Диакон: Премудрость, прости.

Свете Тихий:

Хор: Свете Тихий святых славы Безсмертнаго Отца Небеснаго, Святаго, Блаженнаго, Иисусе Христе! Пришедше на запад солнца, видевше свет вечерний, поем Отца, Сына и Святаго Духа, Бога. Достоин еси во вся времена пет быти гласы преподобными, Сыне Божий, живот даяй; темже мир Тя славит.

Диакон: Воннем.

Иерей: Мир всем.

Положив обычный поклон, диакон, аще же несть, священник, глаголет прокимен дне.

Во вторник вечера, глас 1:

Диакон: Премудрость. Воннем.

Диакон: Милость Твоя, Господи, / поженет мя вся дни живота моего.

Хор: Милость Твоя, Господи, / поженет мя вся дни живота моего.

Стих: Господь пасет мя, и ничтоже мя лишит, на месте злачне, тамо всели мя.

Хор: Милость Твоя, Господи, / поженет мя вся дни живота моего.

Диакон: Милость Твоя, Господи

Хор: Поженет мя вся дни живота моего.

Паремии:

Диакон: Премудрость.

Чтец: Исхода чтение.

Диакон: Воннем.

(Из главы 40:)

Чтец: Глагола Господь к Моисею, глаголя: в день един месяца перваго поставиши скинию свидения, и вложиши кивот, и покрыеши его завесою. И внесеши трапезу и светильник ея, и положиши кадильницу златую, во еже кадити пред кивотом свидения. И положиши покров завесы над дверьми скинии свидения. И возмеш елей помазания и помажеш скинию и вся, яже в ней. И освятиши ю и вся сосуды ея, и будет святая. И освятиши жертвенник, и будет жертвенник святая святых. И сотвори Моисей вся, елика заповеда ему Господь Бог Святой Израилев. И покры облак скинию свидения, и славы Господни исполнися скиния. И не можах Моисей внити в скинию свидения,

яко осеняше над нею облак, и славы Господни исполнися скиनिया.

Диакон: Премудрость.

Чтец: Царств третиих чтение.

Диакон: Вбнем.

(Из главы 8:)

Чтец: Бысть, яко соверши Соломон еже создати дом Господень. И собра вся старцы Израилевы в Сион вознести кивот завета Господня из града Давидова, сей есть Сион. И взяша священницы кивот завета Господня, и скинию свидения, и вся сосуды святыя, яже в скинии свидения. И царь, и весь Израиль пред кивотом. И внесоша священницы кивот завета Господня на место его, в давр храма, во святая святых, под крила Херувимов. Яко Херувими бяху распростерты крилами над местом кивота, / и покрываху Херувими над кивотом / и над святая его свышше. И не бе в кивоте, кроме двух скрижалей завета, яже положи тамо Моисей в Хориве, яже завета Господь. И бысть, яко изыдоша священницы от святаго, и облак исполни дом. И не возмогоша священницы стати служити от лица облака, / яко исполнися славы дом Господа Бога Вседержителя.

Диакон: Премудрость.

Чтец: Пророчества Иезекиилева чтение.

Диакон: Вбнем.

(Из глав 43 и 44:)

Чтец: Тако глаголет Господь: будет от дне осмаго и прочее, сотворят иереи на олтари всеожжения вашего и яже спасения вашего, и приму вы, глаголет Адонай Господь. И обрати мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут и не отверзутся, и никтоже пройдет сквозе их; яко Господь Бог Израилев пройдет ими, и будут затворена. Яко Игумен сядет в них снести хлеб, по пути Еламских врат внидет и по пути его изыдет. И введе мя по пути врат святых, сущих к северу, прямо храму, и видех, и се исполнь славы храм Господень.

Ектения сугубая:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. **(Трижды, на каждое прошение)**

Диакон: Еще молимся о Великом Господине и Отце нашем Святейшем Патриархе **(Имярек)**, и о Господине нашем Высокопреосвященнейшем митрополите (или: архиепископе, или: преосвященнейшем епископе **имярек**), и всей во Христе братии нашей.

Еще молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святаго храма сего, и о всех преждепочивших отцех и братьях, где лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродетельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Сподоби, Господи:

Хор: Сподоби, Господи, в вечер сей без греха сохранитися нам. Благословен еси, Господи, Боже отец наших, и хвалено и прославлено имя Твое во веки. Аминь.

Буди, Господи, милость Твоя на нас, якоже уповашом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. Аминь.

Ектения просительная:

Диакон: Исполним вечернюю молитву нашу Господеву.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеву приклоним.

Хор: Тебе, Господи.

Иерей: Буди держава Царствия Твоего благословена и препрославлена. Отца и Сына и Святого Духа, ныне и присно и во веки веков.

Хор: Амѣнь.

Литія:

Стихира праздника, глас 1 самогласна:

Хор: Да радуется днесь Небо свѣше, / и облацы веселие да кропят / о зело преславных величиих Бога нашего: / се бо Дверь, на востоки зрящая, / рождшися от неплодове бесплодныя по обетованию / и Богу освящена бывши в жилище, / днесь в храм яко непорочное приношение приводится, / да радуется Давид, бряцаая в гусли: / приведутся, рече, Царю девы в след Ея, / ближния Ея приведутся внутрь скинии Божия, / внутрь очистилища Его, / воспитатися в жилище / прежде век от Отца нетленно Родшагося // во спасение душ наших.

Стихиры праздника, глас 4, самогласны:

Днесь Боговместимый храм, Богородица, / в храм Господень приводится, / и Захария Сию приемлет: / днесь святая святых радуются, / и лик Ангельский таинственно торжествует. / С нимиже и мы, празднующе днесь, с Гавриилом возопийм: / радуйся, Благодатная, Господь с Тобой, // имеяй велию милость.

Приидите, вси вернии, / едину Непорочную восхвалим, / от пророков проповеданную и в храм приведенную, / прежде век пронареченную Матерь / и в последняя лета являющуюся Богородицу. / Господи, молитвами Ея // мир Твой подаждь нам и велию милость.

Глас 5:

Слава Отцу и Сыну и Святому Духу и ныне и присно и во веки веков. Амѣнь.

Воссия день радостен / и праздник всечестен: / днесь бо яже прежде Рождества и по Рождестве Дева пребывши, / в храм Господень приводится, / и радуется Захария старец, родитель Предтечев, / и вопиет весело: / приближися, Предстательница скорбящих, / в храм святый, яко Свята, / освятитися во обителище Всецаря. / Да веселится Иоаким праотец, и Анна да радуется, / яко принесоша Богу яко трилѣтствующую Юницу / непорочную Владычицу. / Матери, срадуйтеся, девы, взыграйте, / и неплоды, сликовствууйте, / яко отверзе нам Небесное Царство пронареченная Всецарица, // радуйтеся, людие, и веселитесь.

Диакон: Спаси, Бже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил безплотных, честнаго, славнаго пророчка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отец нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михаила, первого митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Ермогена и Тихона, митрополитов Московских Филарета, Иннокентия и Макария. Святых, славных и добропобедных мучеников, новомучеников и исповедников Церкви Русския: Владимира, митрополита Киевскаго, Вениамина, митрополита Петроградскаго, Петра, митрополита

Крутицкаго, Илариона, архиепископа Верейскаго, святых царственных страстотерпцев, преподобномучениц великия княгини Елисаветы и инокини Варвары, преподобных и богонбных отец наших, преподобных отец старцев Оптинских, святых праведных Иоанна Кронштадтскаго и Алексия Московскаго, святых блаженных Ксении Петербургския и Матроны Московския, святых и праведных богоотец Иоакима и Анны **(и святого имярек, егоже есть храм и егоже есть день)**, и всех святых. Мблим Тя, многомилостиве Господи, услыши нас, грешных, молящихся Тебе, и помилуй нас.

Хор: Господи, помилуй. (40 раз)

Диакон: Еще молимся о Великом Господине и отце нашем Святейшем Патриархе **(ИМЯРЕК)**, и о господине нашем преосвященнейшем митрополите (или архиепископе, или епископе **имярек**) и о всем во Христе братстве нашем, и о всякой души христианстей, скорбящей же и озлобленной, милости Божия и помощи требующей; о покровении града сего, и живущих в нем, о мире, и состоянии всего мира; о благостоянии святых Божиих церквей; о спасении и помощи со тцанием и страхом Божиим труждающихся и служащих отец и братьев наших; о оставльшихся и во отшествии сущих; о исцелении в немощех лежащих; о успении, ослабе, блаженной памяти и о оставлении грехов всех преждеотшедших отец и братьев наших, zde лежащих и повсюду православных; о избавлении плененных, и о братьях наших во службах сущих, и о всех служащих и служивших во святем храме сем рцем.

Хор: Господи, помилуй. (50 раз)

Диакон: Еще молимся о еже сохранитися граду сему, и святому храму сему, и всякому граду и стране, от глада, губительства, труса, потопы, огня, мечы, нашествия иноплемеников и междоусобныя брани; о еже милостиву и благоуветливу быти благому и человеколюбивому Богу нашему, отвратити всякий гнев на ны движимый, и избавити ны от належашаго и праведнаго Своего прещения и помилovati ны.

Хор: Господи, помилуй. (Трижды)

Диакон: Еще молимся и о еже услышати Господу Богу глас моления нас, грешных, и помилovati нас.

Хор: Господи, помилуй. (Трижды)

Иерей: Услыши ны, Боже, Спасителю наш, упование всех концев земли и сущих в мори далече, и милостив, милостив буди, Владыко, о гресех наших, и помилуй ны. Милостив бо и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Владыко многомилостиве, Господи Иисусе Христе, Боже наш, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, представительства честных Небесных Сил бесплотных, честнаго, славнаго пророка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отц нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михайла, первого митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Ермогена и Тихона, митрополитов Московских Филарета, Иннокентия и Макария. Святых, славных и добропобедных мучеников, новомучеников и исповедников Церкви Русския: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго, Илариона, архиепископа Верейскаго, святых царственных страстотерпцев, преподобномучениц великия княгини

Елисаветы и инокини Варвары, преподобных и богоносных отец наших, преподобных отец старцев Оптинских, святых праведных Иоанна Кронштадтского и Алексия Московского, святых блаженных Ксении Петербургския и Матроны Московския, святых и праведных богоотец Иоакима и Анны (и святого имярек, егоже есть храм и егоже есть день), и всех святых. благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякого врага и супостата, умири нашу жизнь. Господи, помилуй нас и мир Твой, и спаси души наша, яко благ и человеколюбец.

Хор: Аминь.

Стихиры на стиховне:

Стихиры праздника, глас 5, подобен: «Радуйся...»:

Стихира: Радуйся, Небо и земля, / Небо Умное грядущее зряще, / в Божественный дом воспитатися честно, / Деву едину и непорочную, / к Нейже, дивясь, Захария вопияше: / Двере Господня, храма отверзаю Тебе двери, / радующися, в нем ликовствуй, / познах бо и веровах, / яко уже избавление придет проявлено Израилево / и родится из Тебе Бог Слово, // даруяй миру велию милость.

Стих: Приведутся Царю девы в след Ея, / искренния Ея приведутся Тебе.

Анна Божественная благодать яве, / от благодати данную, чистую Приснодеву / приводит с веселием в храм Божий, / призвавши ити пред Нею отроковицам, / свещи носящим, и глаголющи: / поиди, Чадо, / Давшему Тя буди возложение и благовонный фимиам. / Вниди в незаходимая, и увещь тайны, / и уготовися быти Иисусово вместилище, веселое и красное, // подающего миру велию милость.

Стих: Приведутся в веселии и радовании, / введутся в храм Царев.

Внутри в храм Божий / Боговместимый храм возлагается, Дева Всесвятая, / и отроковицы Ей ныне, свещи носяще, предходят. / Играет родителей сопряжение изрядное, / Иоаким же и Анна, ликовствующе, / яко родиша Творца рождшую, / Яже ликовствующи в Божественных скиниях / и питаема рукою Ангеловою, Всенепорочная, / Христа явися Мати, // Подающего миру велию милость.

Глас 6:

Слава Отцу и Сыну и Святому Духу и ныне и присно и во веки веков. Аминь.

Днесь собори верных, сошедшися, / духовне да торжествуим / и Богоотроковицу Деву и Богородицу, / в храм Господень приводиму, / благочестно восхвалим, / предъизбранну от всех родов, / во обителище всех Царя Христа и Бога: / девы, свещи носяще, предъидите, / Приснодевы чтуще честное происхождение, / матери, печаль всю отложивше, / радостно споследуйте Матери Бога бывающей / и радости мира Ходатаице. / Все убо радостно, / еже радуйся, со Ангелом возопиим Обрадованней, // присно молящейся о душах наших.

Молитва святого Симеона Богоприимца:

Хор: Ныне отпускаеши раба Твоего, Владыко, / по глаголу Твоему, с миром; /
яко видеста очи мои спасение Твое, / еже еси уготовал пред лицом всех людей, /
свет во откровение языков, // и славу людей Твоих Израиля.

Трисвятое по Отче наш:

Чтец: Святыи Бже, Святыи Крепкий, Святыи Безсмертный, помилуй нас.
(Трижды)

**Слава Отцу и Сыну и Святому Духу, и ныне и присно и во веки веков.
Аминь.**

Пресвятая Троице, помилуй нас; Господи, очисти грехи наша; Владыко, прости
беззакония наша; Святыи, посети и исцели немощи наша, имене Твоего ради.

Господи, помилуй. (Трижды)

**Слава Отцу и Сыну и Святому Духу, и ныне и присно и во веки веков.
Аминь.**

Отче наш, Иже еси на Небесех, да святится имя Твое, да придет Царствие
Твое, да будет воля Твоя, яко на Небеси и на земли. Хлеб наш насущный даждь
нам днесь; и остави нам долги наша, якоже и мы оставляем должником нашим;
и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

Тропарь праздника, глас 4:

Хор: Днесь благоволения Божия предображение / и человеков спасения
проповедание / в храме Божии ясно Дева является / и Христа всем
предвозвещает. / Той и мы велегласно возопийм: // радуйся, смотрения
Зиждителя исполнение. (Трижды)

Благословение хлебов:

Диакон: Господу помолимся.

Хор: Господи, помилуй.

Иерей: Господи Иисусе Христе Бже наш, благословивый пять хлебов и пять тысяч насытивый, Сам
благослови и хлебы сия, пшеницу, вино и елей; и умножи сия во граде сем и во всем мире Твоем; и
вкушающия от них верныя освяти. Яко Ты еси благословляя и освящаяй всяческая, Христе Бже наш,
и Тебе славу возсылаем, со Безначальным Твоим Отцем, и Всесвятым, и Благим, и Животворящим
Твоим Духом, ныне и присно и во веки веков.

Хор: Аминь. Буди Имя Господне благословено от ныне и до века. (Трижды)

Псалом 33:

Хор: Благословлю Господа на всякое время, / выну хвалу Его во устех моих. / О
Господе похвалится душа моя, / да услышат кротции, и возвеселятся. /
Возвеличите Господа со мною, / и вознесем Имя Его вкупе. / Взысках Господа, и
услыша мя, / и от всех скорбей моих избави мя. / Приступите к Немю, и
просветитесь, / и лица ваша не постыдятся. / Сей нищий воззва, и Господь
услыша и, / и от всех скорбей его спасе и. / Ополчится Ангел Господень окрест
боющихся Его, / и избавит их. / Вкусите и видите, яко благ Господь: / блажен

муж, иже уповает Нань./ Бойтеся Господа, вси святїи Его,/ яко несть лишения боящимся Его./ Богатїи обнищаша и взалкаша:/ взыскающїи же Господа// не лишатся всякаго блага.

Иерей: Благословение Господне на вас, Того благодатию и человеколюбием, всегда, ныне и присно и во веки веков.

Хор: Аминь.

УТРЕНЯ

Шестопсалмие:

Хор: Слава в вышних Богу, и на земли мир, в человецех благоволение.
(Трижды)

Господи, устне мои отверзеша, и уста моя возвестят хвалу Твою. (Дважды)

Псалом 3:

Чтец: Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благословение Твое.

Аз уснух, и спях, востах, яко Господь заступит мя.

Псалом 37:

Господи, да не яростию Твоею обличиши мене, ниже гневом Твоим накажеша мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наоблишася поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое и въздыхание мое от Тебе не утайся. Сердце мое смятеша, остави мя сила моя, и свет очию моею, и той несть со мною. Друзи мои и искреннии мои прямо мне приближася и сташа, и ближнии мои отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и внемгда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о гресе моем. Врази же мои живут и укрепшася паче мене, и умножшася ненавиждущии мя без правды. Воздающии ми злая възблагая оболгаху мя, зане гонях благостыню. Не остави

мене, Господи Боже мой, не отступи от Мене. Вонми в помощь мою, Господи спасения моего.

Не остави мене, Господи Боже мой, не отступи от Мене. Вонми в помощь мою, Господи спасения моего.

Псалом 62:

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пуста и непроходна, и безводна. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похваляте Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части листовом будут. Царь же возвеселится о Боже, похвалится всяк кленыйся Им, яко заградися уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Псалом 87:

Господи Боже спасения моего, во дни возвах, и в ночи пред Тобю. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свобод, яко язвеннии спящии во гробе, ихже не помянул еси кому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от Мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мои. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрешити душу мою, отвращаеши лице Твое от Мене? Нищ есмь аз, и в труде от юности моя; вознес же ся, смирихся, и изнемогах. На мне преидоша гневи Твои, устрашения Твоя возмутisha мя, обыдоша мя яко вода, весь день одержаша мя вкупе. Удалил еси от Мене друга и искренняго, и знаемых моих от страстей.

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони ухо Твое к молению моему.

Псалом 102:

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от ислечения живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказа пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже в век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящие слово Его, услышати глас словес Его. Благословите Господа вся Силы Его, слуги Его, творящие волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от Мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающия души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

**Дух Твой Благий наста́вит мя на зе́млю пра́ву.
Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в.
Ами́нь.**

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Вели́кая ектения:

Диáкон: Мíром Го́споду помóлимся.

Хор: Го́споди, помíлуй. *(На каждое прошение)*

Диáкон: О Свьшнем мире и спасении душ наших, Го́споду помóлимся.

О мире всего́ мíра, благостоянии Святы́х Божиих Церквэй и соединении всех, Го́споду помóлимся.

О святе́м хра́ме сем и с ве́рою, благоговением и стра́хом Божиим входящих в о́нь, Го́споду помóлимся.

О вели́ком Госпо́дине и Отце́ нашем Святе́йшем Патриáрхе (**Имярек**), и о Госпо́дине нашем, Высокопреосвященнейшем митрополите (или: архиепи́скопе, или: преосвященнейшем епи́скопе **имярек**), честне́м пресви́терстве, во Христе́ диа́констве, о всем причте и лю́дех, Го́споду помóлимся.

О Богохрани́мей стране́ нашей, власте́х и во́инстве ея́, Го́споду помóлимся.

О гра́де сем (или о ве́си сей), вся́ком гра́де, стране́ и ве́рою живу́щих в них, Го́споду помóлимся.

О благорастворени́и возду́хов, о изобилии пло́дов земны́х и вре́менех ми́рных, Го́споду помóлимся.

О пла́вающих, путеше́ствующих, недугующих, стра́ждущих, плененных и о спасении их. Го́споду помóлимся.

О изба́виться нам от вся́кия ско́рби, гне́ва и ну́жды, Го́споду помóлимся.

Засту́пи, спаси́, помíлуй и сохрани́ нас, Бо́же, Твое́ю благода́тию.

Пресвяту́ю, Пречи́стую, Преблагослове́нную, Сла́вную Влады́чицу нашу́ Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко подобáет Тебе́ вся́кая сла́ва честь и поклонение, Отцу́ и Сы́ну и Свято́му Ду́ху, ны́не и при́сно и во ве́ки веко́в.

Хор: Ами́нь.

Бог Госпо́дь, глас 4:

Диáкон: Бог Госпо́дь, и яви́ся нам, благослове́н Гряды́й во Имя Госпо́дне.

Стих 1: Испове́дайтесь Го́сподеви, я́ко благ, я́ко в век ми́лость Его́.

Хор: Бог Госпо́дь, и яви́ся нам, благослове́н Гряды́й во Имя Госпо́дне.

(И далее на каждый стих)

Стих 2: Обыше́дше обыдо́ша мя, и Именем Госпо́дним противля́хся им.

Стих 3: Не умру́, но жив бу́ду, и пове́м дела́ Госпо́дня.

Стих 4: Ка́мень, Егóже небрего́ша зижду́щие, Сей бы́сть во главу́ у́гла, от Го́спода бы́сть Сей, и есть дивен во очесе́х наших.

Тропа́рь пра́здника, глас 4:

Хор: Днесь благово́ления Божия́ предображе́ние/ и челове́ков спасения́ пропове́дание/ в хра́ме Божии́ я́сно Де́ва явля́ется/ и Христа́ всем предвозвеща́ет./ Той и мы велегла́сно возопи́м:// ра́дуйся, смотре́ния Зижди́телева исполне́ние. *(Дважды)*

**Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в.
Ами́нь.**

Тропарь праздника, глас 4:

Днесь благоволения Божия предображение / и человеков спасения проповедание / в храме Божии ясно Дева является / и Христа всем предвозвещает. / Той и мы велегласно возопиим: // радуйся, смотрения Зиждителя исполнения.

Кафизмы:

Хор: Господи, помилуй. *(Трижды)*

Слава Отцу и Сыну и Святому Духу.

Кафизма десятая

Псалом 70:

На Тя, Господи, уповах, да не постыжуся в век. Правдою Твоею избави мя и изми мя, приклони ко мне ухо Твое и спаси мя. Буди ми в Бога защитителя и в место крепко спасти мя, яко утверждение мое и прибежище мое еси Ты. Боже мой, избави мя из руки грешнаго, из руки законопреступнаго и обидящаго, яко Ты еси терпение мое, Господи, Господи, упование мое от юности моея. В Тебе утвердихся от утробы, от чрева матери моея Ты еси мой покровитель: о Тебе пение мое выну. Яко чудо бых многим, и Ты помощник мой крепок. Да исполнятся уста моя хваления, яко да воспою славу Твою, весь день великолепия Твое. Не отвержи мене во время старости, внемди гласу моему, яко да не оскудеват крепости моеи, не остави мене. Яко реша врази мои мне, и стрелы души моея совещаша вкупе, глаголюще: Бог оставил есть его, пожените и имите его, яко несть избавляяй. Боже мой, не удайся от Мене, Боже мой, в помощь мою вонми. Да постыдятся и исчезнут оклеветавшие душу мою, да облекутся в стыд и срам ищущии злая мне. Аз же всегда возуповаю на Тя и приложу на всяку похвалу Твою. Уста моя возвестят правду Твою, весь день спасение Твое, яко не познах книжная. Вниду в силу Господни; Господи, помяну правду Тебе единого. Боже мой, имже научил мя еси от юности моея, и до ныне возвещу чудеса Твоя, и даже до старости и престарения, Боже мой, не остави мене, дондеже возвещу мышцу Твою роду всему грядущему, силу Твою и правду Твою, Боже, даже до вышних, яже сотворил ми еси величия. Боже, кто подобен Тебе Елики явил ми еси скорби многи и злы, и обращься оживотворил мя еси, и от бездн земли возвел мя еси. Умножил еси на мне величие Твое, и обращься утешил мя еси, и от бездн земли паки возвел мя еси. Ибо аз исповемся Тебе в людех, Господи, в сосудех псаломских истину Твою, Боже, воспою Тебе в гуслах, Святыи Израилев. Возрадуется устне мои, егда воспою Тебе, и душа моя, юже еси избавил. Еще же и язык мой весь день поучится правде Твоей, егда постыдятся и посрамятся ищущии злая мне.

Псалом 71:

Боже, суд Твой царю даждь, и правду Твою сыну царю: судити людем Твоим в правде, и нищим Твоим в суде. Да восприимут горы мир людем, и холми правду. Судит нищим людским, и спасет сыны убогих и смирит клеветника. И пребудет с солнцем, и прежде луны рода родов. Сидет яко

дóждь на руно́, и яко ка́пля, ка́плющая на зéмлю. Возсия́ет во днéх его́ прав́да и мно́жество ми́ра, дóндеже отъи́мется луна́. И облада́ет от мо́ря до мо́ря, и от ре́к до конéц всéленныя. Пред ни́м припадúт Ефио́пляне, и врази́ его́ пёрсть поли́жут. Цáрие Фарсийсти́и и о́строви да́ры принесúт, цáрие Ара́всти́и и Сава́ да́ры приве́дúт; и поклóнятся ему́ вси́ цáрие зéмсти́и, вси́ язы́цы порабо́тают ему́. Яко избáви ни́ща от си́льна, и убо́га, ему́же не бé помóщника. Пощади́т ни́ща и убо́га, и ду́шы убо́гих спасéт: от ли́хвы и от неправ́ды избáвит ду́шы их, и чéстно и́мя его́ пред ни́ми. И жив́ будет, и да́тся ему́ от зláта Ара́вийска, и помóлятся о нём вы́ну, весь дéнь благословя́т его́. Бúдет утверждéние на земли́ на версéх гóр, превознесéтся пáче Ливáна плóд его́: и процветúт от гра́да яко трава́ земна́я. Бúдет и́мя его́ благословéно во вéки, прéжде со́лнца пребывáет и́мя его́, и благословя́тся в нём вся́ колéна земна́я, вси́ язы́цы ублажа́т его́. Благословéн Госпо́дь Бóг Изра́илев, творя́й чудеса́ еди́н. И благословéно и́мя сла́вы Его́ во вéк и в вéк вéка, и испóлнится сла́вы Его́ вся́ земля́: бúди, бúди.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и присно́ и во вéки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Гóсподи, помилуй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и присно́ и во вéки веко́в. Ами́нь.

Псалóм 72:

Кóль блáг Бóг Изра́илев, правым сéрдцем. Мои́ же вмáле не подвижа́стеся но́зе: вмáле не пролия́шася стопы́ моя́. Яко возревновáх на беззакóнныя, мир грéшников зря́. Яко несть восклонéния в смéрти их, и утверждéния в рáне их. В трудéх челове́ческих не сúть, и с челове́ки не при́мут рáн. Сего́ ра́ди удержи́ я горды́ня их до конца́: оде́яшася неправ́дою и нечéстием своим. Изы́дет яко из ту́ка неправ́да их, преидóша в любóвь сéрдца. Помы́слиша и глаго́лаша в лука́встве, неправ́ду в высоту́ глаго́лаша. Положи́ша на небеси́ уста́ своя́, и язы́к их прéйде по земли́. Сего́ ра́ди обратя́тся лю́дие мои́ сéмо, и дние испóлнени обря́щутся в них. И рéша: како́ увéде Бóг и áще е́сть рáзум в Вы́шнем Сé, сий грéшницы и гобзúюЩИИ в вéк, удержи́ша богáтство. И рéх: еда́ всúе оправди́х сéрдце моé и умы́х в непови́нных ру́це мои́, и бы́х язвен весь дéнь, и обличéние моé на у́тренних. Áще глаго́лах, повéм тако́: сé рóду сыно́в Твои́х, ему́же обеща́хся . И непщева́х разумéти: сие́ трúд е́сть прéдо мно́ю, дóндеже вни́ду во святи́ло Бо́жие и разумéю в послéдняя их. Обáче за льщéния их положи́л еси́ им зláя, низложи́л еси́ я́, внегда́ разгордéшася. Ка́ко бы́ша в запустéние Внеза́пу исчезóша, погибóша за беззакóние своé. Яко сóние востаю́щаго, Гóсподи, во гра́де Твоём образ их уничижи́ши. Яко разжжéся сéрдце моé, и утробы́ моя́ измени́шася. И аз уничи́жен и не разумéх, скóтен бы́х у тебе́. И аз вы́ну с Тобóю, удержи́л еси́ ру́ку десну́ю мою́, и советом Твоим наста́вил мя еси́, и со сла́вою прия́л мя еси́. Чтó бó ми́ е́сть на небеси́ и от Тебе́ чтó восхотéх на земли́ Исчезé сéрдце моé и плóть моя́, Бо́же сéрдца моего́, и часть́ моя́, Бо́же, во вéк. Яко сé удаля́ющии себе́ от Тебе́ погибнут; потреби́л еси́ вся́каго любодéющаго от Тебе́. Мнé же прилепля́тися Бо́гови блáго е́сть,

полагати на Господа упование мое, возвестити ми вся хвалы Твоя во вратах
дщере Сиони.

Псалом 73:

Вскую, Боже, отринул еси до конца Разгневался ярость Твоя на овцы пажити
Твоея Помяни сонм Твой, егже стяжал еси исперва, избавил еси жезлом
достояния Твоего, гора Сион сия, в нейже вселился еси. Воздвигни руке Твой
на гордыни их в конец, елика лукавнова враг во святем Твоем. И восхвалишася
ненавидящии Тя посреде праздника Твоего, положиша знамения своя,
знамения, и не познаша, яко во исходе превыше; яко в дубраве древяне
секирами разсекоша двери его вкупе: сечивом и оскордом разрушиша и.
Возггоша огнем святило Твое, на земли оскверниша жилище имене Твоего.
Реша в сердце своем южики их вкупе: приидите и оставим вся праздники
Божия от земли. Знамения их не видехом: несть ктому пророка, и нас не
познает ктому. Доколе, Боже, поносит враг Раздражит противный имя Твое до
конца Вскую отвращаеши руку Твою и десницу Твою от среды недра Твоего в
конец Бог же Царь наш прежде века содела спасение посреде земли. Ты
утвердил еси силою Твоею море, Ты стерл еси главы змиев в воде, Ты
сокрушил еси главу змиеву, дал еси того брашно людем Ефиопским. Ты
расторгл еси источники и потоки, Ты изсушил еси реки Ифамския. Твой есть
день, и Твоя есть ночь: Ты совершил еси зарю и солнце. Ты сотворил еси вся
пределы земли, жатву и весну Ты создал еси я. Помяни сия: враг поносит
Господеви, и людие безумнии раздражиша имя Твое. Не предаждь зверем
душу, исповедающуюся Тебе, душ убогих Твоих не забуди до конца. Призри на
завет Твой, яко исполнися помраченнии земли домов беззаконий. Да не
возвратится смиренный посрамлен, нищ и убог восхвалита имя Твое. Востани,
Боже, суди прю Твою, помяни поношение Твое, еже от безумнаго весь день. Не
забуди гласа молитвенник Твоих, гордыня ненавидящих Тя взыде выну.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 74:

Исповемся Тебе, Боже, исповемся Тебе, и призовем имя Твое; повем вся
чудеса Твоя. Егда прииму время, аз правоты возсужду. Растаяся земля и вси
живущии на ней, аз утвердих столпы ея. Рех беззаконующим, не
беззаконуйте: и согрешающим, не возносите рога, не воздвизайте на высоту
рога вашего, и не глаголите на Бога неправду: яко ниже от исход, ниже от
запад, ниже от пустых гор. Яко Бог судия есть: сего смиряет, и сего возносит.
Яко чаша в руке Господни, вина не растворена исполнь растворения, и уклони
от сея в сию: обаче дрождие его не истощися, испиют вси грешнии земли. аз
же возрадоуюся в век, воспою Богу Иаковлю: и вся роги грешных сломлю, и

вознесётся рог праведнаго.

Псалом 75:

Вѣдом во Иудѣи Бѣг: во Израйли вѣлие имя Егѣ. И бысть в ми́ре мѣсто Егѣ и жилище Егѣ в Сиѣне. Тамо сокруши крѣпости луков, ору́жие и мѣч и бра́нь. Просвѣщаеши Ты́ дивно от го́р вѣчных. Смято́шася вси неразу́мнии се́рдцем: усну́ша снѣм своим, и ничто́же обрето́ша вси му́жие богáтства в рука́х своих. От запрещѣния Твоего́, Бѣже Иа́ковль, воздрема́ша всѣдшии на ко́ни. Ты́ стра́шен еси́, и кто́ противоста́нет Тебе́ Отто́ле гнѣв Тво́й. С небесе́ слы́шан сотвори́л еси́ су́д: земля́ убо́яся, и умолча́, внего́да воста́ти на су́д Бѣгу, спасти́ вся́ крѣткя́ землі́. Яко́ помышлѣние челове́ческое испове́стся Тебе́: и оста́нок помышлѣния прáзднует Ти́. Помолите́ся и возда́дите Го́сподеви Бѣгу́ нашему́. Вси́ и́же ѡ́крест Егѣ́ принесу́т да́ры, стра́шному и отъѣмлю́щему ду́хи князе́й, стра́шному па́че царей́ земных.

Псалом 76:

Гласом моим ко Го́споду воззва́х, гласом моим к Бѣгу, и вня́т ми́. В де́нь ско́рби моея́ Бѣга́ взыска́х рука́ма моима́, но́щию пред Ни́м, и не прельще́н бы́х; отвѣрже́ся утѣшиться ду́ша́ моя́. Помяну́х Бѣга́ и возвесели́хся, поглумля́хся и малоду́шествоваше́ ду́х мо́й. Предвари́сте стражбы́ о́чи мои́: смято́хся и не глаго́лах. Помы́слих днѣ́ первыя́, и ле́та вѣчная́ помяну́х, и поуча́хся: но́щию се́рдцем моим́ глумля́хся, и тужа́ше ду́х мо́й: еда́ во ве́ки отринет Го́сподь, и не приложит́ благово́лити па́ки Или́ до конца́ ми́лость Свою́ отсече́т, сконча́ глаго́л от ро́да в ро́д Еда́ забудет уще́дрити Бѣг Или́ уде́ржит во гнѣве Своѣм щедро́ты Своя́ И ре́х: ны́не нача́х, сия́ изме́на десни́цы Вы́шняго. Помяну́х дела́ Го́сподня́, яко́ помяну́ от нача́ла чудеса́ Твоя́, и поучу́ся во все́х дѣлех Твои́х, и в начина́ниих Твои́х поглумлю́ся. Бѣже, во святе́м пу́ть Тво́й: кто́ Бѣг вѣлий́ яко́ Бѣг на́ш Ты́ еси́ Бѣг творя́й чудеса́: сказа́л еси́ в лю́дех си́лу Твою́, изба́вил еси́ мышцею́ Твоею́ лю́ди Твоя́, сы́ны Иа́ковли и Ио́сифовы. Видѣша Тя́ во́ды, Бѣже, видѣша Тя́ во́ды, и убо́яшася: смято́шася бе́здны, мно́жество шу́ма во́д, глас да́ша ѡ́блацы, и́бо стрѣлы́ Твоя́ прехо́дят. Глас гро́ма Твоего́ в колеси́, освети́ша мо́лния Твоя́ вселе́нную: подви́жеся и трѣпетна́ бысть земля́. В мо́ри пу́тиѣ Твоѣ́, и стези́ Твоѣ́ в вода́х мно́гих, и следы́ Твоя́ не позна́ются. Наста́вил еси́ яко́ ѡвцы́ лю́ди Твоя́ руко́ю Моисе́вою и Ааро́нею.

Чтец: **Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.**

Аллилу́иа, аллилу́иа, аллилу́иа, сла́ва Тебе́ Бѣже. (Три́жды)

Ектени́я ма́лая:

Диа́кон: Па́ки и па́ки ми́ром Го́споду помо́лимся.

Хор: Го́споди, поми́луй.

Диа́кон: Заступи́, спаси́, поми́луй и сохрани́ нас, Бѣже, Твоею́ благода́тию.

Хор: Го́споди, поми́луй.

Диа́кон: Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бѣгу́ преда́дим.

Хор: Тебѣ, Господи.

Иерей: Яко Твоя держава и Твое есть Царство, и сила, и слава, Отца, и Сына, и Святаго Духа, ныне и
присно, и во веки веков.

Хор: Аминь.

Седален праздника, глас 1, подобен: «Лик Ангельский...»:

Праведных плод, Иоакима и Анны, принесится Богу во святилище святое,/
плотию младенствующи, Питательница Жизни нашея, / Юже благослові
священный Захария: // Сию вси яко Матерь Божию верно да ублажим.

**Слава Отцу и Сыну и Святому Духу и ныне и присно и во веки веков.
Аминь.**

Праведных плод, Иоакима и Анны, принесится Богу во святилище святое,/
плотию младенствующи, Питательница Жизни нашея, / Юже благослові
священный Захария: // Сию вси яко Матерь Божию верно да ублажим.

Хор: Господи, помилуй. *(Трижды)*

Слава Отцу и Сыну и Святому Духу.

Кафизма перваянадесять

Псалом 77:

Внемлите, людие мои, закону моему, приклоните ухо ваше во глаголы уст
моих. Отверзу в притчах уста моя, провещаю гана́ния исперва. Елика
слышахом и познахом я, и отцы наши поведаша нам: не утайшася от чад их в
род ин, возвещающе хвалы Господни и силы Его, и чудеса Его, яже сотвори. И
воздвиге свидение во Иакове, и закон положи во Израили: елика заповеда
отцем нашим, сказа́ти я сыновом своим, яко да познает род ин, сынове
родящиеся, и востанут и поведают я сыновом своим: да положат на Бога
упование свое, и не забудут дел Божиих, и заповеди Его взыщут. Да не будут
якоже отцы их, род строптив и преогорчева́й, род иже не исправи сердца
своего, и не увери с Богом духа своего. Сынове Ефремля наляцающе и
стреляюще луки, возвратишася в день брани: не сохраниша завета Божия, и в
законе Его не восхотеша ходити. И забыша благодеяния Его, и чудеса Его, яже
показа им пред отцы их, яже сотвори чудеса в земли Египетстей, на поли
Танебсе. Разверзе море, и проведет их, представи воды яко мех. И настави я
облаком во дни, и всю ночь просвещением огня. Разверзе камень в пустыни, и
напой я яко в бездне мнозе, и изведет воду из камене, и низведет яко реки воды.
И приложит еще согрешати Ему, преогорчит Вышняго в безводней; и
искусит Бога в сердцах своих, вопросити брашна душам своим. И клеветаша
на Бога, и реша: еда возможет Бог уготовати трапезу в пустыни Понже поразит
камень, и потечет воды, и потоцы наводнишася: еда и хлеб может дати, или
уготовати трапезу людем Своим Сего ради слыша Господь и презре: и огонь
возгорется во Иакове, и гнев взыде на Израиля, яко не вероваша Богу, ниже
уповаша на спасение Его. И заповеда облаком свыше, и двери небес отверзе, и
одожди им манну ясти, и хлеб небесный даде им. Хлеб ангельский яде человек,
брашно посла им до сытости. Воздвиге юг с небес, и наведет силою Своею
лива, и ожди на ня яко прах плоти, и яко песок морской птицы пернаты. И

нападѡша посреде стана их, окрест жилищ их. И ядѡша и насытишася зело, и желаніе их принесѡ им. Не лишішася от желанія своего: еще брашну сущу во устѣх их: и гнѣв Бѡжій взыде на ня, и убїи множайшая их, и избраннѣм Израїлевым запят. Во всѣх сїх согрѣшиша еще, и не вероваша чудесѣм Егѡ. И исчезѡша в суетѣ днїе их, и лета их со тщаніем. Егда убиваше я, тогда взыскаху Егѡ, и обращахуся, и утреневаху к Бѡгу: и помянуша, яко Бѡг помощник им есть, и Бѡг Вышній избавитель им есть. И возлюбїша Егѡ усты своїми, и языком своим солгаша Ему: сердце же их не бѣ право с Ним, ниже уверишася в завете Егѡ. Тѡйже есть щедр, и очїстит грѣхи их, и не растлит, и умножит отвратити ярость Свою, и не разжжет всего гнѣва Своегѡ. И помяну, яко плѡть суть, дух ходяй и не обращааяся. Колькраты преогорчиша Егѡ в пустыни, прогневаша Егѡ в земли безводней и обратишася, и искусиша Бѡга, и Святагѡ Израїлева раздражиша, и не помянуша руки Егѡ в день, вонже избави я из руки оскорбляющаго, якоже положи во Егїпте знаменія Своя, и чудеса Своя на поли Танебсе, и преложи в кровь реки их, и истѡчники их, яко да не пїют. Посла на ня пѣсия мѡхи и поядѡша я: и жабы, и растли я. И даде рже плоды их, и труды их пругом. Убїи градом винограды их, и чернїчіе их сланою, и предаде граду скоты их, и имение их огню. Посла на ня гнѣв ярости Своея, ярость и гнѣв и скорбь, посланіе ангелы лютыми. Путесотвори стезю гнѣву Своему, и не пощадѡ от смѣрти душ их: и скоты их в смѣрти заключи, и порази всякое первородное в земли Егїпетстей, начаток всякаго труда их в селенїих Хамовых. И воздвїже яко овцы люди Своя, и возведѡ я яко стадо в пустыни, и настави я на упованіе, и не убояшася, и враги их покры море. И введѡ я в гору святыни Своея, гору сїю, юже стяжа десница Егѡ. И изгна от лица их языки, и по жребїю даде им [землю] ужем жребодаянїя, и всели в селенїих их колѣна Израїлева. И искусиша и преогорчиша Бѡга Вышняго, и свиденїй Егѡ не сохраниша, и отвратїшася, и отвергѡшася, якоже и отцы их, превратїшася в лук развращен, и прогневаша Егѡ в холмех своих и во истуканнѣх своих раздражиша Егѡ. Слыша Бѡг и презрѡ, и уничижи зело Израїля, и отрину скинїю Силомскую, селеніе, еже вселися в человецех. И предаде в плен крѣпость их, и доброту их в руки врагов, и затвори во оружїи люди Своя, и достоянїе Свое презрѡ. Юношы их поядѡ огнь, и дѣвы их не осѡтованы быша; священницы их мечѣм падѡша, и вдовицы их не оплаканы будут. И воста яко спя Господь, яко силен и шумен от вина, и порази враги Своя вспяты, поношенїе вѣчное даде им. И отрину селеніе Иѡсифово, и колѣно Ефремово не избра, и избра колѣно Иудово, гору Сибню, юже возлюби, и созда яко единорога святылище Свое, на земли основа и в вѣк. И избра Давїда раба Своегѡ, и воспрїят егѡ от стад овчих. От дойлиц поят егѡ пастїи Иакова раба Своегѡ и Израїля достоянїе Свое. И упасѡ я в незлобїи сердца своего, и в разумех руку своею наставил я есть.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуїа, аллилуїа, аллилуїа, слава Тебѣ Бѡже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 78:

Боже, приидоша языцы в достояние Твое, оскверниша храм святыи Твои, положиша Иерусалим яко ообщное хранилище, положиша трупия раб Твоих брашно птицам небесным, плоти преподобных Твоих зверем земным. Пролияша кровь их яко воду окрест Иерусалима, и не бе погребаяй. Быхом поношение соседом нашим, подражание и поругание сущим окрест нас. Докле, Господи, прогневаешися до конца Разжётся яко огонь рвение Твое Пролей гнев Твой на языки не знающыя Тебе, и на царствия, яже имене Твоего не призваша, яко поядоша Иакова, и место его опустошиша. Не помяни наших беззаконий первых: скоро да предварят ны щедроты Твоя, Господи, яко обнищавом зело. Помози нам, Боже, Спасителю наш, славы ради имене Твоего, Господи, избави ны, и очисти грехи наша имене ради Твоего. Да не когда рекут языцы, где есть Бог их И да увестся во языцех пред очима нашими отмщение крове раб Твоих пролитыя. Да внидет пред Тя воздыхание окованных, по величию мышцы Твоея снабди сыны умерщвленных. Воздаждь соседом нашим седмерицею в недра их поношение их, имже поносиша Тя, Господи. Мы же, людие Твои и овцы пажити Твоея, исповемыся Тебе, Боже, во век, в род и род возвестим хвалу Твою.

Псалом 79:

Пасыи Израиля вонми, наставляяй яко овца Иосифа; Седяй на Херувимех явися пред Ефремом и Вениамином, и Манассием; воздвигни силу Твою, и прииди во еже спасти нас. Боже, обрати ны, и просвети лице Твое, и спасемся. Господи Боже сил, докле гневаешися на молитву раб Твоих Напитаеши нас хлебом слезным, и напоиши нас слезами в меру. Положил еси нас в пререkanie соседом нашим, и врази наши подражниша ны. Господи Боже Сил, обрати ны, и просвети лице Твое, и спасемся. Виноград из Египта пренесл еси, изгнал еси языки, и насадил еси и. Путесотворил еси пред ним, и насадил еси корения его, и исполни землю. Покры горы сень его, и ветвия его кедры Божия; простре розги его до моря, и даже до рек отрасли его. Вскую низложил еси оплот его, и объимают и вси мимоходящи путем Озоба и вебрь от дубравы, и уединенный дивий пояде и. Боже сил, обрати ся убо, и призри с небесе и виждь, и посети виноград сей, и соверши и, егже насади десница Твоя, и на сына человеческого, егже укрепил еси Себе. Пожжен огнем и раскопан, от запрещенія лица Твоего погибнут. Да будет рука Твоя на мужа десницы Твоея, и на сына человеческого, егже укрепил еси Себе, и не отступим от Тебе; оживиши ны, и имя Твое призовем. Господи Боже Сил, обрати ны, и просвети лице Твое, и спасемся.

Псалом 80:

Радуйтеся Богу, помощнику нашему, воскликните Богу Иаковлю, примите псалом и дадите тимпан, псалтирь красен с гуслими, вострубите в новомесячии трубою, во благознаменитый день праздника вашего, яко

повеление Израилеви есть, и судьба Богу Иаковлю. Свидение во Иосифе положи е, внегда изыти ему от земли Египетския, языка егоже не ведяше услыша. Отъят от бремене хребет его, рuce его в кошй поработасте. В скорби призвал Мя еси, и избавих тя, услышах тя в тайне бурне, искусих тя на воде пререkania. Слышите, людие мои, и засвидетельствую вам, Израилю, аще послушаеши Мене. Не будет Тебе бог нов, ниже поклонишися богу чуждему. Аз бо есмь Господь Бог твой, изведый тя от земли Египетския, разшири уста Твоя, и исполню я. И не послушаша людие мои гласа Моего, и Израиль не внят Ми: и отпустих я по начинанием сердец их, пойдут в начинаниих своих. Аще быша людие Мои послушали Мене, Израиль аще бы в пути Моя ходил, ни о чем же убо враги его смирил бых, и на оскорбляющыя их возложил бых руку Мою. Вразй Господни солгаша Ему, и будет время их в век. И напита их от тука пшенична, и от камене меда насыти их.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 81:

Бог ста в сонме богов, посреде же боги разсудит. Докoле судите неправду, и лица грешников приемлет Судите сиру и убогу, смирена и нища оправдайте. Измите нища и убога, из руки грешничи избавите его. Не познаша, ниже уразумеша, во тме ходят: да подвижатся вся основания земли. Аз рех: бози есте, и сынове Вышняго вси. Вы же яко человецы умираете, и яко един от князей падаете. Воскресни, Боже, суди земли: яко Ты наследиши во всех языцех.

Псалом 82:

Боже, кто уподобится Тебе Не премолчи ниже укроти, Боже. Яко се вразй Твой возшумеша, и ненавидящи Тя воздвигоша главу. На люди Твоя лукавоваша волею, и совещаща на святыя Твоя. Реша: приидите и потребим я от язык, и не помянется имя Израилево ктому. Яко совещаща единомышлением вкупе, на Тя завет завещаша: селения Идумейска, и Исмаилите, Моав и Агаряне: Гевал и Аммон, и Амалик, иноплеменницы с живущими в Тире, ибо и Ассур прииде с ними, быша в заступление сыновом Лотовым. Сотвори им яко Мадияму и Сисаре, яко Иавиму в потоце Киссове. Потребишася во Аендоре, быша яко гной земный. Положи князи их, яко Орива и Зива, и Зевеа и Салмана, вся князи их, иже реша: да наследим себе святилище Божие. Боже мой, положи я яко коло, яко трость пред лицом ветра. Яко огонь попадаяй дубравы, яко пламень пожигаяй горы, тако поженеши я бурю Твоею, и гневом Твоим смятеши я. Исполни лица их безчестия, и взыщут имене Твоего, Господи. Да постыдятся и смятутся в век века, и посрамятся и погибнут. И да познают, яко имя Тебе Господь, Ты един вышний по всей земли.

Псалом 83:

Коль возлюбленна селения Твоя, Господи сил! Желает и скончается душа моя во дворы Господни, сердце мое и плоть моя возрадовастся о Боже живе. Ибо птица обрете себе храмину, и горлица гнездо себе, идеже положит птенцы своя; олтари Твоя, Господи Сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у тебе; восхождения в сердце своем положи, во юдоль плачевную, в место еже положи, ибо благословение даст Законополагаяй. Пойдут от силы в силу: явится Бог богов в Сионе. Господи Боже Сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во дворех Твоих паче тысяч: изволих приметатися в дому Бога моего паче, неже жити ми в селениих грешничих. Яко милость и истину любит Господь, Бог благодать и славу даст, Господь не лишит благих ходящих незлобием. Господи Боже сил, Блажен человек уповаяй на Тя.

Псалом 84:

Благоволил еси, Господи, землю Твою, возвратил еси плен Иаковль: оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны Или простреси гнев Твой от рода в род Боже, Ты обращаеши оживиши ны, и людие Твой возвеселятся о Тебе. Яви нам, Господи, милость Твою, и спасение Твое даждь нам. Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к Нему. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастеся. Истина от земли возсия, и правда с небесе приниче, ибо Господь даст благость, и земля наша даст плод свой. Правда пред Ним предидет, и положит в путь стопы своя.

Чтец: Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Седален праздника, глас 4, подобен: «Удивися Иосиф...»:

Прежде зачатия, Чистая, освятилася еси Богу/ и, рождшиися на земли, дар принеслася еси ныне Ему,/ исполняючи отеческое обещание:/ в Божественном же храме, яко сущо Божественный храм,/ от младенства чисте, со свещами светлыми отдана бывши,/ явилася еси Приятелище Неприступнаго и Божественнаго Света./ Велико воистинну предшествование Твое, // еди́на Богоневесто и Приснодево.

Слава Отцу́ и Сыну́ и Святому́ Духу́ и ныне́ и присно́ и во веки веко́в. Ами́нь.

Прежде зачатия, Чистая, освятилася еси Богу/ и, рождшиися на земли, дар принеслася еси ныне Ему,/ исполняючи отеческое обещание:/ в Божественном же храме, яко сущо Божественный храм,/ от младенства чисте, со свещами светлыми отдана бывши,/ явилася еси Приятелище Неприступнаго и Божественнаго Света./ Велико воистинну предшествование Твое, // еди́на Богоневесто и Приснодево.

Полиелей:

Хор: Хвалите Имя Господне, хвалите, раби Господа.

Аллилу́иа, аллилу́иа, аллилу́иа.

Благословен Господь от Сиона, живый во Иерусалиме.

Аллилу́иа, аллилу́иа, аллилу́иа.

Исповедайтесь Господеву, яко Благ, яко в век милость Его́.

Аллилу́иа, аллилу́иа, аллилу́иа.

Исповедайтесь Богу Небесному, яко в век милость Его́.

Аллилу́иа, аллилу́иа, аллилу́иа.

Величание праздника и избранный псалом:

Духовенство: Величаем Тя, / Пресвятая Дево, / Богоизбранная Отроковице, / и чтим еже в храм Господень // вхождение Твое.

Хор поет первый стих Избранного псалма:

Хор: Вели́й Господь и хвален зело́, во граде́ Бога́ нашего́, в горе́ святей́ Его́./

Затем хор поет Величание:

Хор: Величаем Тя, / Пресвятая Дево, / Богоизбранная Отроковице, / и чтим еже в храм Господень // вхождение Твое.

И далее продолжает чередовать стихи Избранного псалма и Величание:

Хор: Благородным радованием всея земли. / Преславная глаголашася о тебе, граде Божий. / Град Царя великаго. / Якоже слышахом, тако и видехом. / Во граде Господа сил, во граде Бога нашего. / Бог основа и в век. / Осветил есть селение Свое Вышний. / Святыня и великолепие во святеле Его. / Свят храм Твой, дивен в правде. / Сия врата Господня, праведнии внидут в ня. / Предста Царица одесную Тебе. / В ризах позлащенных одеяна, преиспещрена. / Лицу Твоему помолются богати людстии. / Дщери царей в чести Твоей. / Вся слава Дщере Царевы внутрь. / Рясны златыми одеяна и преиспещрена. / Приведутся Царю девы в след Ея. / Ближняя Ея приведутся Тебе. / Приведутся в веселии и радовании, введутся в храм Царев. / Слыши Дщи и виждь, и приклони ухо Твое. / И забуди люди Твоя, и дом отца Твоего. / И возжелает Царь доброты

Твоея./ Помяну́ имя Твое́ во всяком ро́де и ро́де./ Восприя́хом, Бо́же, ми́лость Твою́, посреде́ людей Твои́х.// Сего́ ра́ди лю́дие испове́дятся Тебе́ в век, и в век ве́ка.

Велича́ем Тя,/ Пресвята́я Де́во,/ Богоизбра́нная Отрокови́це,/ и чтим е́же в храм Господень// вхожде́ние Твое́.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Дважды)

Духовенство: Аллилу́иа, аллилу́иа, аллилу́иа,// сла́ва Тебе́, Бо́же. (Единожды)

Духовенство: Велича́ем Тя,/ Пресвята́я Де́во,/ Богоизбра́нная Отрокови́це,/ и чтим е́же в храм Господень// вхожде́ние Твое́.

Ектенія ма́лая:

Диа́кон: Па́ки и па́ки ми́ром Го́споду помóлимся.

Хор: Го́споди, поми́луй.

Диа́кон: Засту́пи, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, поми́луй.

Диа́кон: Пресвяту́ю, Пречи́стую, Преблагослове́нную, Сла́вную Влады́чицу нашу́ Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иере́й: Яко́ Благослови́ся Имя́ Твое́, и просла́вится Ца́рство Твое́, Отца́ и Сы́на и Свята́го Ду́ха ны́не и при́сно и во ве́ки веко́в.

Хор: Ами́нь.

Седа́лен пра́здника, глас 8, подо́бен: «Повеле́нное та́йно...»:

Да ра́дуется Дави́д песнопісец,/ и да ликовству́ет Иоакі́м со Анною,/ я́ко плод святы́й из них произы́де,/ Мари́я светонóсная, Божество́нная свеща́,/ и ра́дуется, входя́щи в храм,/ Ю́же и, зря, благослови́ Варахи́ин сын/ и, ра́дуясь, взыва́ше:// ра́дуйся, Чу́до всеми́рное.

Сла́ва Отцу́ и Сы́ну и Свято́му и ны́не и при́сно и во ве́ки веко́в. Ами́нь.

Да ра́дуется Дави́д песнопісец,/ и да ликовству́ет Иоакі́м со Анною,/ я́ко плод святы́й из них произы́де,/ Мари́я светонóсная, Божество́нная свеща́,/ и ра́дуется, входя́щи в храм,/ Ю́же и, зря, благослови́ Варахи́ин сын/ и, ра́дуясь, взыва́ше:// ра́дуйся, Чу́до всеми́рное.

Степе́нна, глас 4:

1 Антифо́н:

Хор: От ю́ности моея́/ мно́зи бо́рют мя стра́сти,/ но Сам мя засту́пи// и спаси́, Спа́се мой.

Ненави́дящи Си́она,/ посрамите́ся от Го́спода,/ я́ко трава́ бо огне́м// бу́дете изсо́хше.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Святы́м Ду́хом/ вся́ка душа́ живи́тся,/ и чистото́ю возвыша́ется,// светле́ется Трой́ческим еди́нством, священнота́йне.

Прокимен праздника и чтение Евангелия:

Диакон: Вонмем. Премудрость вонмем, прокимен, глас 4:

Слыши, Дщи, и виждь,/ и приклони ухо Твое.

Хор: Слыши, Дщи, и виждь,/ и приклони ухо Твое.

Диакон: Отрыгну сердце мое слово благо, глаголю аз дела моя Царевы.

Хор: Слыши, Дщи, и виждь,/ и приклони ухо Твое.

Диакон: Слыши, Дщи, и виждь,/

Хор: И приклони ухо Твое.

Диакон: Господу помолимся.

Хор: Господи, помилуй.

Иерей: Яко свят еси Боже наш, и во святых почиваеши, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Всякое дыхание да хвалит Господа.

Хор: Всякое дыхание да хвалит Господа.

Диакон: Хвалите Бога во святых Его, хвалите Его во утвержении силы Его.

Хор: Всякое дыхание да хвалит Господа.

Диакон: Всякое дыхание.

Хор: Да хвалит Господа.

Диакон: И о сподобитися нам слышанию Святаго Евангелия, Господа Бога молим.

Хор: Господи, помилуй. *(Трижды)*

Диакон: Премудрость, прости, услышим Святаго Евангелия.

Иерей: Мир всем.

Хор: И духови твоему.

Иерей: От Луки Святаго Евангелия чтение.

Хор: Слава, Тебе, Господи, слава Тебе.

Диакон: Вонмем.

(Лк., зач. 4:)

Иерей: Во дни оны, воставши, Мариам, иде в горня со тцанием, во град Иудов. И вниде в дом Захариин, и целова Елисавет. И бысть яко услыша Елисавет целование Мариино, възгрся младенец во чреве ея: и исполнися Духа Свята Елисавет. И возопи гласом велиим, и рече: благословена Ты в женах, и благословен плод чрева Твоего. И откуда мне сие, да прииде Мати Господа моего ко мне? Се бо, яко бысть глас целования Твоего во ушию моею, възгрся младенец радощами во чреве моем. И блаженна Веровавшая, яко будет совершение глаголаным Ей от Господа. И рече Мариам: величит душа Моя Господа, и возрадовася дух Мой о Бозе Спасе Моём. Яко призре на смирение Рабы Своея: се бо, отныне ублажат Мя вси роди. Яко сотвори Мне величие Сильный, и свято имя Его. Пребысть же Мариам с нею яко три месяцы, и возвратися в дом Свой.

Хор: Слава, Тебе, Господи, слава Тебе.

Псалом 50:

Чтец: Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо в

беззаконных зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даши радость и веселие, возрадуются кости смиренные. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

Глас 2:

Хор: Слава Отцу и Сыну и Святому Духу.

Днесь храм одушевленный и Великаго Царя/ в храм входит/ Тому уготоватися в Божественное жилище.// Людие, веселитесь.

И ныне и присно и во веки веков. Аминь.

Днесь храм одушевленный и Великаго Царя/ в храм входит/ Тому уготоватися в Божественное жилище.// Людие, веселитесь.

Глас 6:

Помилуй мя, Боже,/ по велицей милости Твоей,/ и по множеству щедрот Твоих// очисти беззаконие мое.

Стихира праздника, глас 4, самогласна:

Днесь Боговместимый храм, Богородица,/ в храм Господень приводится,/ и Захария Сию приемлет;/ днесь святая святых радуются,/ и лик Ангельский таинственно торжествует./ С нимиже и мы, празднующе днесь,/ с Гавриилом возопийм:/ радуйся, Благодатная, Господь с Тобою,// имеяй велию милость.

Диакон: Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, представительства честных Небесных Сил бесплотных, честнаго, славнаго пророка, Предтечи и Крестителя Иоанна, святых слavnых и всехвалных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отца нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михаила, первого митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Ермогена и Тихона, митрополитов Московских Филарета, Иннокентия и Макария. Святых, слavnых и добропобедных мучеников, новомучеников и исповедников Церкви Русския: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго, Илариона, архиепископа Верейскаго, святых царственных страстотерпцев, преподобномучениц великия княгини Елисаветы и инокини Варвары, преподобных и богоносных отец наших, преподобных отец

старцев Оптинских, святых праведных Иоанна Кронштадтского и Алексия Московского, святых блаженных Ксении Петербургския и Матроны Московской, святых и праведных богоотцев Иоакима и Анны **(и святого имярек, егоже есть храм и егоже есть день)**, и всех святых. Молим Тя, многомилостиве Господи, услыши нас, грешных, молящихся Тебе, и помилуй нас.

Хор: Господи, помилуй. *(12 раз)*

Иерей: Милостию и щедротами и человеколюбием единородного Твоего Сына, с Нимже благословен еси, со Пресвятым, и Благим, и Животворящим Твоим Духом, ныне и присно, и во веки веков.

Хор: Аминь.

Канон:

Песнь 1:

Первый канон праздника, глас 4:

Ирмос: *Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя вхождение. (Дважды)*

Припев: Пресвятая Богородице, спаси нас.

Тропарь: Премудрости, Пречистая, Тя сокровище веры и благодати, / точащую источник приснотекущий разума, // просим: Твоя капли ожди, Владычице, еже воспевати Тя присно. *(Дважды)*

Припев: Пресвятая Богородице, спаси нас.

Тропарь: Превышши, Пречистая, Небес бывши, храм и палата, / в храм Божий возложилася еси // Тому уготоватися в Божественное жилище пришествия Его. *(Дважды)*

Припев: Пресвятая Богородице, спаси нас.

Тропарь: Свет возсиявши Богородица благодати, / вся просвети и совокупит пресветлое Ея украсити торжество песнями: // приидите, к Ней стецемся.

Припев: Пресвятая Богородице, спаси нас.

Тропарь: Дверь славная, помыслы непроходимая, / двери отверзши храма Божия, / ныне повелевает нам, совшедшим, // Божественных Ея чудес насладитися.

Второй канон Праздника, глас 1:

Ирмос: *Песнь победную поим вси Богу, / сотворшему дивная чудеса мышцею высокою // и спасшему Израиля, яко прославися. (Дважды)*

Припев: Пресвятая Богородице, спаси нас.

Тропарь: Стецемся днесь, Богородицу почитающе песнями, / и торжествуем духовный праздник: // в храм бо Богу дар приносится.

Припев: Пресвятая Богородице, спаси нас.

Тропарь: Песнями да воспоем Богородицы славное предшествование: / к храму бо днесь, яко храм Божий, // приносится пророчески дар многоценный.

Припев: Пресвятая Богородице, спаси нас.

Тропарь: Анна непорочная радовашеся, / яко дар многоценен Богу приносящи в храм матерски, // Иоаким же с нею торжествует светло.

Припев: Пресвятая Богородице, спаси нас.

Тропарь: Давид, праотец Твой, воспé Тя дрéвле, Дéво Богоневéсто,/ Дщерь глаголя Тя Царя Христа, // Егóже и, родивши, мáтерски Младéнца дойла еси.

Слáва Отцú и Сыну и Свято́му Ду́ху.

Трóичен: Трóице Единосу́щная,/ Отче, и Сло́ве, и Ду́ше Святы́й,/ Тя véрно сла́вим, я́ко Творца́ всех,/ и Тебе́ вопиéм благочéстно:// спаси́ ны, Бóже.

И ны́не и при́сно и во ве́ки веко́в, ами́нь.

Богоро́дичен: От ба́гра кровéй Твои́х, червлени́цею, Пречи́стая, оде́явся, // проше́д, обновí Царь и Бог род весь челове́ческий благоутро́бием Свои́м.

Катава́сия:

Хор: Хри́сто́с раждáется – сла́вите,/ Хри́сто́с с Небе́с – сря́щите./ Хри́сто́с на землí – возно́ситесь./ По́йте Го́сподеви, вся земля́,/ и весéлием воспóйте, лю́дие,/ я́ко просла́вися.

Песнь 3:

Пе́рвый канóн пра́здника, глас 4:

Ирмо́с: Твоя́ песносло́вцы, Богоро́дице,/ живы́й и незави́стный Исто́чнице,/ лик себе́ совоку́пльшия, духо́вно утверди́,/ в честнóм вхожде́нии Твоéм// венце́в сла́вы сподо́би. *(Два́жды)*

Припев: Пресвята́я Богоро́дице, спаси́ нас.

Тропарь: Невестокраси́тель днесь яви́ся кра́сный Дéвы храм и черто́г,/ приéм одушев-ле́нный черто́г Бо́жий, // Чи́стую, и Непоро́чную, и Светле́йшую всея́ тва́ри. *(Два́жды)*

Припев: Пресвята́я Богоро́дице, спаси́ нас.

Тропарь: Дави́д, предначина́я ликовáние, игра́ет, и ликовству́ет с нами́,/ и Цари́цу зовет́ Тя укра́шену, Пречи́стая, // предстоя́щу, Всечи́стая, в хра́ме Царю́ и Бо́гу. *(Два́жды)*

Припев: Пресвята́я Богоро́дице, спаси́ нас.

Тропарь: Из нея́же преступле́ние произы́де дрéвле ро́ду челове́ческому,/ из То́я исправле́ние и нетле́ние процветé:// Богоро́дица днесь приводи́ма в дом Бо́жий.

Припев: Пресвята́я Богоро́дице, спаси́ нас.

Тропарь: Игра́ют Ангельская́ во́инства и всех челове́к мно́жество,/ и предлицéм, Пречи́стая, предтеку́т Твои́м днесь священóсицы, // зову́ще вели́чества Твоя́ в дому́ Бо́жи.

Второ́й канóн Пра́здника, глас 1:

Ирмо́с: Да утверди́тся се́рдце моé в во́ли Твоéй, Хри́сте́ Бóже,/ Иже над вода́ми Не́бо утвержде́й второ́е// и основа́вый на вода́х зе́млю, Всеси́льне. *(Два́жды)*

Припев: Пресвята́я Богоро́дице, спаси́ нас.

Тропарь: Торжеству́им, празднолю́бцы, и сра́дуемся ду́хом/ во святе́м пра́зднице, учрежда́ющесе́ днесь, Дщére Царе́вы// и Ма́тере Бо́га наше́го.

Припев: Пресвята́я Богоро́дице, спаси́ нас.

Тропарь: Иоакíме, ра́дуйся днесь,/ и весели́ся, Анно, ду́хом,/ рождéнную из вас Го́споду приводя́ще триле́тствующу, // я́ко Юницу Чи́сту Всенепоро́чную.

Припев: Пресвятая Богородице, спаси нас.

Тропарь: Божіе селѣние во храм святѣй приводится, Богородица Мариам, / плотию трилѣтствующая, // и Той свещесвѣтят дѣвы, предтекуще.

Припев: Пресвятая Богородице, спаси нас.

Тропарь: Божия Агница неблазненная и голубица нескверная, / Боговместимая скиния, славы освящение, // в скинии святѣй обитати избра.

Слава Отцу и Сыну и Святому Духу.

Трѣичен: Свет Отец, Свет Сын Его, Свет Дух Утѣшительный: / яко от Солнца бо Единаго Трѣицы, сияюще, // Божественно озаряет и соблюдает души наша.

И ныне и присно и во веки веков, аминь.

Богородичен: Ты пророцы проповѣдаша кивот, Чистая, святѣни, / кадильницу златую, и свѣщник, и трапѣзу, // и мы, яко Боговместимую скинию, воспеваем Тя.

Катавасія:

Хор: Прѣжде век от Отца́ рождѣнному нетлѣнно Сыну / и в послѣдняя от Дѣвы / воплощенному безсе́менно, / Христу́ Бо́гу возопи́м: / вознесѣй рог наш, // свят еси́, Го́споди.

Ектенія ма́лая:

Диакон: Паки и паки миром Го́споду помѳлимся.

Хор: Го́споди, помѳлуй.

Диакон: Заступи, спаси, помѳлуй и сохрани нас, Бо́же, Твоею благодатию.

Хор: Го́споди, помѳлуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодѣву Марию, со все́ми святѣми помяну́вше, са́ми себѣ и друг дру́га, и весь живѳт наш Христу́ Бо́гу преда́дим.

Хор: Тебѣ, Го́споди.

Иерей: Яко Ты еси́ Бог наш, и Тебѣ сла́ву воссыла́ем, Отцу́ и Сыну́ и Святому́ Духу, ны́не и присно́ и во ве́ки веко́в.

Хор: Ами́нь.

Седáлен прáздника, глас 4, подобен: «Удивися Иѳсиф...»:

Возопи́й, Дави́де, / что сей настоящий прáздник, / Ю́же воспѣл еси́ иногдá в кни́зе псалѳмстей, / яко́ Дщерь Богоотрокови́цу и Дѣву. / Приведутся, рече́, Царю́ таинственно дѣвы во след Ея́ и ближняя Ея́. / И дивен соде́лай и всемирен прáздник зовущим: // Богородица нам предста́, спасѣния Ходáтаица.

Слава Отцу́ и Сыну́ и Святому́ Духу и ны́не и присно́ и во ве́ки веко́в, ами́нь.

Другѳй седáлен прáздника, глас 4, подобен: «Удивися Иѳсиф...»:

Непорѳчная Агница и нескверный чертѳг, / в дом Божий Богородица Мариам с весѣлием ввѳдится пресла́вно, / Ю́же Ангели Божии доринѳсят вѣрно, / и вси вѣрнии блажа́т присно́ / и благодарственно пою́т Ей непрестáнно вѣлиим гла́сом: // на́ша сла́ва и спасѣние Ты еси́, Всенепорѳчная.

Песнь 4:

Первый канон праздника, глас 4:

Ирмос: *Неизслѣдный Божий Совет, / еже от Девы воплощения / Тебѣ,
Вышняго, / пророк Аввакум, усмотряя, зовяше: // слава силе Твоей,
Господи. (Дважды)*

Припев: Пресвятая Богородице, спаси нас.

Тропарь: Дверь непроходную Божий дом приемля днесь, / престати сотвори
всякой службе законной, / яко истинно явися, зовый, // сущим на земли
Истина. (Дважды)

Припев: Пресвятая Богородице, спаси нас.

Тропарь: Горá присенная, юже провиде древле Аввакум, / предпроповѣда
внутри вместившуюся в неходных храма, // добродѣтели процветши, и
покрывает концы. (Дважды)

Припев: Пресвятая Богородице, спаси нас.

Тропарь: Видевши преславная вся земля странная же и дивныя вещи, / како
Дева, от Ангела пишу приемлющи, // образы строения носит.

Припев: Пресвятая Богородице, спаси нас.

Тропарь: Храм, и палата, и Небо одушевленное явльшися, Богоневесто
Царева, / во храм законный приводима днесь, // Тому соблюдаема, Пречистая.

Второй канон Праздника, глас 1:

Ирмос: *Духом провидя, пророче Аввакуме, Словесе воплощение, /
проповѣдал еси, вопия: / внигда приблизитися летом, познаешися, внигда
приити времени, покажешися. // Слава силе Твоей, Господи. (Дважды)*

Припев: Пресвятая Богородице, спаси нас.

Тропарь: Пророче Исaие, прорцы нам, / Дева кто есть, имущая во чреве? / Яже
из Иудина корене прозябши / и рождшися из Давида царя, // семене святаго
плод благославный.

Припев: Пресвятая Богородице, спаси нас.

Тропарь: Начинайте, девы, и воспойте песни, / руками держаще свещи, Чистыя
Богородицы предшествие хваляще, // ныне грядущия во храм Божий, купно с
нами празднующи.

Припев: Пресвятая Богородице, спаси нас.

Тропарь: Иоакиме и Анно, веселитесь ныне, / во храм приводяще Господень
Чистую Бога Матерь Христа Всецаря будущую, // от вас же рождшуюся, яко
трилѣтствующую Юницу.

Припев: Пресвятая Богородице, спаси нас.

Тропарь: Святая святых сущи, Чистая, / во храм святой возлюбила еси
вселитися / и, со Ангелы, Дево, бесѣдующи, пребываеши, // преславне с Небес
хлеб приемлющи, Питательнице Жизни.

Слава Отцу и Сыну и Святому Духу.

Троичен: Троицу Лицы, Единицу образом, / благочестно славим Бога
Истинна, / Егже поют Ангельская и Архангельская чиновачалия яко твари
Владыку, // и человецы верно, поклоняющесе присно.

И ныне и присно и во веки веков, аминь.

Богородичен: Моли непрестанно, Пресвятая Чистая, / Егбже плотию родила еси, Сына Твоего и Бога, // от многообразных сетей диаволих и от всяких искушений находящих вся избавити рабы Твоя.

Катавасия:

Хор: Жезл из корене Иессеева / и цвет от негб, Христэ, / от Девы прозябл еси, / из горы, Хвальный, приосененныя чащи, / пришёл еси, воплощся от Неискусомужныя, / Невещественный и Боже: // слава силе Твоей, Господи.

Песнь 5:

Первый канон праздника, глас 4:

Ирмос: Ужасбшася всяческая / в честном вхождении Твоем: / Ты бо, Неискусобращная Дево, / внутрь вошла еси в храм Божий, / якоже честнейший храм, / всем воспевающим Тя // мир подающая. (Дважды)

Припев: Пресвятая Богородице, спаси нас.

Тропарь: Священие славно и священное возложение, / днесь Пречистая Дева, возложившись в храм Божий, / Всецарю нашему Богу Единому в жилище соблюдается, // яко весть Сам. (Дважды)

Припев: Пресвятая Богородице, спаси нас.

Тропарь: Доброту, Пречистая, души Твоея зря некогда, / верою Захария возопи: / Ты еси избавление, Ты еси всех радость, / Ты еси воззвание наше, // Бюже Невместный вмещен мне явится. (Дважды)

Припев: Пресвятая Богородице, спаси нас.

Тропарь: О, паче ума чудес Твоих, Всечистая! / Странное Твое рождество есть, / странен образ возвращения Твоего, / странна и преславна Твоя, Богоневесто, вся // и человеки несказанна.

Припев: Пресвятая Богородице, спаси нас.

Тропарь: Свещник многосветлый сущи, Богоневесто, / днесь возсияла еси в дому Господни / и озаряеши ны честными дарованиями, Чистая, // чудес Твоих, Богородице всепетая.

Второй канон Праздника, глас 1:

Ирмос: Светлый нам возсияй Свет Присносущный, / утренюющим о судьбах заповедей Твоих, // Владыко Человеколюбче, Христэ Боже наш. (Дважды)

Припев: Пресвятая Богородице, спаси нас.

Тропарь: Да светлосим, православнии вси, стекающиеся и славяще Богоматерь, / яко Господу днесь приводится // яко жертва благоприятна.

Припев: Пресвятая Богородице, спаси нас.

Тропарь: Да веселятся праотцы днесь, Владычице, / и да радуется рождающая Ты со отцем Твоим, // яко плод их Господу приносится.

Припев: Пресвятая Богородице, спаси нас.

Тропарь: Многоименитую и славнейшую Непорочную Юницу, / яко плотию рождающую Божественнаго Тельца, // вси воспойм, верно празднующе.

Припев: Пресвятая Богородице, спаси нас.

Тропарь: Уневещения написуются Божественная знаменья/ паче ума
рождества Твоего, Чистая Дево, // днесь Духом Святым в дому Божии.

Слава Отцу и Сыну и Святому Духу.

Трѳичен: Преначальное и Присносущное Едино Божество славословяще,
поклонимся, / Трѳеми Лицы естеством нераздельное // и славою равночестное.

И ныне и присно и во веки веков, аминь.

Богородичен: Пристанище благоутешное и необоримую стену стяжухом, /
молитву Твою во обстояниих, Богородительнице, // всегда избавляеми бед и
скорбей.

Катавасия:

Хор: Бог сый мира, Отец щедрот, / Великаго Совета Твоего Ангела, / мир
подающая, послал еси нам: / тем, Богоразумия к свету навелшесе, /
от ноци утренююще, // славословим Тя, Человеколюбче.

Песнь 6:

Первый канон праздника, глас 4:

Ирмос: Божественное сие и всечестное / совершающе празднество, /
Богомудри, Богоматере, / приидите, руками восплещим, // от Нея
рождшагося Бога славим. **(Дважды)**

Припев: Пресвятая Богородице, спаси нас.

Тропарь: Всяческая Носяй глаголом, / молитву праведных услыша. / Темже
неплодныя разрешил еси недуг, яко Благоутробен, // радости Виновную сим
дарова. **(Дважды)**

Припев: Пресвятая Богородице, спаси нас.

Тропарь: Сказати хотя Господь языком Своё спасение, / Неискусобращную
ныне от человек прият, // примирения знамение и обновления. **(Дважды)**

Припев: Пресвятая Богородице, спаси нас.

Тропарь: Яко дом сущи благодати, / в немже сокровища лежат неизреченнаго
Божия строения, Всечистая, // в храме причастилася еси нетленныя сладости.

Припев: Пресвятая Богородице, спаси нас.

Тропарь: Диадиму Ты царскую прием, / храм, Богоневесто, просвещашесе / и
подступаше лучшим, // предреченных зря на Тебе сбытие.

Второй канон Праздника, глас 1:

Ирмос: Пророка Иону подражая, вопию: / живот мой, Блаже, свободи из
тли // и спаси мя, Спасе мира, зовуща: слава Тебе. **(Дважды)**

Припев: Пресвятая Богородице, спаси нас.

Тропарь: Празднуим, вернии, праздник духовный Матере Божия, /
воспевающе благочестно: // есть бо святейша Небесных умов.

Припев: Пресвятая Богородице, спаси нас.

Тропарь: Песньми духовными восхвалим, вернии, Матерь Света, / яко днесь
нам явился, // предходящи в храм Божий.

Припев: Пресвятая Богородице, спаси нас.

Тропарь: Нескверная Агница и Чистая Голубица / приведесе обитати в дом
Божий, // яко Непорочная, пронареченная быти Мати Божия.

Припев: Пресвятая Богородице, спаси нас.

Тропарь: В храм законный входы совершает Храм Божий, Небесная скиния, // из Неяже нам, сущим во тьме, Свет возсия.

Слава Отцу и Сыну и Святому Духу.

Тробищен: Отец, и Сын, и Дух правый, / Триипостасная Единице и Неразделимая Троице, // помилуй поклоняющихся Божественной Державе Твоей.

И ныне и присно и во веки веков, аминь.

Богородичен: Во чреве Твоем вмещен Невместимый всеми, Богомати, быв, / из Тебе произыде, Пречистая, // сугуб естеством Бог и Человек.

Катавасия:

Хор: Из утробы Иону младенца излевав морской зверь, / якова прият, / в Деву же всельшееся Слово / и плоть приемшее пройде сохраншее нетленну. / Егоже бо не пострадал истления, // Родшую сохрани неврежденну.

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Кондак праздника, глас 4, подобен: «Вознесыйся...»:

Чтец: Пречистый храм Спасов, / многоценный чертог и Дева, / священное сокровище славы Божия, / днесь вводится в дом Господень, благодать совводящи, / Яже в Дусе Божественном, / Юже воспевают Ангели Божии: // Сия есть селение Небесное.

Икос:

Неизреченных Божиих и Божественных таин / зря в Деве благодать являемую и исполняемую явственно, / радуюся и образ разумети недоумеюся, странный и неизреченный: / како избранная, Чистая, Единая явися паче всея твари видимая и разумеваемая? / Темже восхвалити хотя Сию, ужасаяся зело умом же и словом, / обаче дерзая, проповедаю и величаю: // Сия есть селение Небесное.

Песнь 7:

Первый канон праздника, глас 4:

Ирмос: Не послужиша твари Богомудрии, / паче Создавшего, / но, огненное прещение мужески поправше, / радовахуся, поюще: // препетый отецв

Господь и Бог, благословен еси. (Дважды)

Припев: Пресвятая Богородице, спаси нас.

Тропарь: Се днесь возсия концем весна радостная, / просвещаящи нашу душу, и помышление и ум благодатию, // торжеством Богородицы днесь таинственно да учредимся. (Дважды)

Припев: Пресвятая Богородице, спаси нас.

Тропарь: Да дароноят днесь всяческая Царице, Матери Божии, / Небо и земля, и Ангелов чини, и человеков множество / и да вопиют: // во храм вводится Радость и Избавление. (Дважды)

Припев: Пресвятая Богородице, спаси нас.

Тропарь: Писание мимотече и оскуде закон, якоже сень, / и благодати лучи возсияша в храм Божий вшедшей Тебе, Дево Мати Чистая, // в нем благословенная.

Припев: Пресвятая Богородице, спаси нас.

Тропарь: Повинуся Рождеству Твоему, Всечистая, / яко Творцу и Богу Небо, и земля, и преисподняя, / и всяк язык земных исповедает, // яко Господь явися, Спас душ наших.

Второй канон Праздника, глас 1:

Ирмос: Пещь, Спасе, орошашеся, / отроцы же, ликующе, пояху: / отцев Божие, благословен еси. (Дважды)

Припев: Пресвятая Богородице, спаси нас.

Тропарь: Ликовствуим, празднующи, днесь, / воспойм Чистую Владычицу, // Иоакима и Анну достойно чтуще.

Припев: Пресвятая Богородице, спаси нас.

Тропарь: Пророчествуи, Давиде, глаголя Духом: / приведутся девы вслед Тебе, // приведутся Тебе во храм Царице Матери.

Припев: Пресвятая Богородице, спаси нас.

Тропарь: Радовахуся Ангелов чини, / веселяхуся праведных души, // яко Божия Мать во святая приводится.

Припев: Пресвятая Богородице, спаси нас.

Тропарь: Приемлющи пищу Небесную, / преспеваше мудростию и благодатию, // бывши Мати по плоти Христа Бога.

Слава Отцу и Сыну и Святому Духу.

Троицен: Прославим Троицу Нераздельную, / воспойм Единое Божество // со Отцем Слово и Духа Всесвятого.

И ныне и присно и во веки веков, аминь.

Богородичен: Моли, Егже родила еси, Господа, / яко благоутробна естеством суща, Богородительнице, // спаси души воспевающих Тя.

Катавасия:

Хор: Отроцы, благочестию совоспитани, / злочестиваго веления небрегше, / огненнаго прещения не убояшася, / но, посреде пламени стояще, пояху: // отцев Божие, благословен еси.

Песнь 8:

Первый канон праздника, глас 4:

Ирмос: Слыши, Отроковице, Дево Чистая, / да речёт убо Гавриил / Совет Вышняго, древний, истинный: / буди к приятию готова Божию, / Тобю бо Невместимый с человеки поживе. / Тем и радуясь, вопию: // благословите, вся дела Господня, Господа. *(Дважды)*

Припев: Пресвятая Богородице, спаси нас.

Тропарь: Пречистый храм в дом Божий приводящи Анна иногда, / вопиючи, с верою рече священнику: / чадо, от Бога данное мне, приим ныне, / введи во храм Зиждителя твоего / и, радуясь, пой Ему: // благословите, вся дела Господня, Господа.

Припев: Пресвятая Богородице, спаси нас.

Тропарь: Рече, видев, Анне иногда Духом Захария: / Жизни Матерь вводиши истинную, / Юже светло пророцы Божии Богородицу проповедаша, / и како храм вместит Ю? / Тем чудясь, вопию: // благословите, вся дела Господня, Господа.

Припев: Пресвятая Богородице, спаси нас.

Тропарь: Раба Божия бых аз, – отвеща Анна ему, – / призываючи Сего верою и молитвою, прияти моя болезни плод, / по приятии же рожденную привести Давшему Ю. / Тем, зовя, вопию: // благословите, вся дела Господня Господа.

Припев: Пресвятая Богородице, спаси нас.

Тропарь: Законное воистинну дело есть, – священник рече ей, – странну же весьма вещь поразумеваю, / зря Приводимую в дом Божий, / преславно превосходящую святая благодатию. / Тем и радуясь, вопию: // благословите, вся дела Господня, Господа.

Припев: Пресвятая Богородице, спаси нас.

Тропарь: Возмогаю, – рече Анна ему, – знаящи, яже глаголеши, / разумеши бо сия Духом Божиим, / ясно яже Девы проповедал еси; / прими убо Пречистую в храм Создателя твоего / и, радуясь, пой Ему: // благословите, вся дела Господня, Господа.

Припев: Пресвятая Богородице, спаси нас.

Тропарь: Светоносна нам возжжеса свеща, – возопи священник, – / радость величайшую светящи в храме; / души пророческия да срадуются мне, / яко преславная зряще, совершаемая в дому Божии, / и да вопиют присно: // благословите, вся дела Господня, Господа.

Второй канон праздника, глас 1:

Ирмос: Егоже ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, // и перевозносите во вся веки. *(Дважды)*

Припев: Пресвятая Богородице, спаси нас.

Тропарь: Веселится днесь светло Иоаким, / и Анна непорочная Господу Богу приносит жертву, // данную ей от обещания Святую Дщерь.

Припев: Пресвятая Богородице, спаси нас.

Тропарь: Хвалятся святии Давид и Иессей, / и Иуда чтится, / из корене бо их израсте плод – Дева Чистая, // из Неяже родися Бог Превечный.

Припев: Пресвятая Богородице, спаси нас.

Тропарь: Мария Пречистая и одушевленная скиния/ приводится днесь в дом Божий,/ и приемлет Сию Захария руками,// яко освященное сокровище Господне.

Припев: Пресвятая Богородице, спаси нас.

Тропарь: Яко дверь спасительную и гору мысленную,/ яко лестницу одушевленную, почтим, вернии, воистинну Деву и Матерь Божию,// благословенную руками иереев.

Благословим Отца, и Сына, и Святаго Духа, Господа.

Троицен: Да поется Трисвятый Отец, и Сын, и Дух Святый,/ Нераздельная Единица, Единое Божество,// держащее дланию всю тварь во вся веки.

И ныне и присно и во веки веков, аминь.

Богородичен: Безначальное начинается Слово плотию,/ родився, яко благоволи,/ Бог же и Человек из Отроковицы Девы,/ возсозидая ны, прежде падшия,// ради крайняго благоутробия.

Катавасия:

Хор: Хвалим, благословим, поклоняемся Господеву, поюще и превозносяще во вся веки.

Чуда преестествонаго/ росодательная изобрази пещь образ:/ не бо, яже прият, палит юныя,/ яко низже огонь Божества Девы,/ в Нюже вниде утробу./ Тем воспевающе, воспоём:/ да благословит тварь вся Господа// и превозносит во вся веки.

Диакон: Ангели, вхождение Пречистой зряще, удивилася:/ како Дева вниде во святая святых?

Песнь 9:

Первый канон праздника, глас 4:

Ирмос: Яко одушевленному Божиию кивоту/ да никакоже коснется рука скверных,/ устне же верных Богородице немолчно,/ глас Ангела воспевающе, с радостию да вопиют:/ истинно вышши всех еси, Дево Чистая. *(Дважды)*

Хор поет припевы, чтец читает тропари:

Припев: Ангели, вхождение Всечистой зряще, удивилася:/ како со славою вниде во святая святых?

Тропарь: Яко пресветлую, Богородице Чистая, душевныя чистоты имущи доброту,/ благодатию же Божиею исполняема с Небесей,/ Светом Присноущным просвещаяши всегда с веселием вопиющая:// истинно вышши всех еси, Дево Чистая.

Припев: Ангели, вхождение Девы зряще, удивилася:/ како преславно вниде во святая святых?

Тропарь: Прелетает, Богородице, Чистая, чудо Твое силу словес:/ тело бо в Тебе поразумеваю паче слова,/ течения греховнаго неприятно./ Темже благодарственно вопию Ти:// истинно вышши всех еси, Дево Чистая.

Припев: Ангели и человецы, Девы вхождение почтим,/ яко со славою вниде во святая святых.

Тропарь: Преславно прообразоваше, Чистая, закон Тя скинию и Божественную стамну, / странен кивот, и катапетасму, и жезл, / храм неразрушимый и дверь Божию. / Темже научают Тебе звати: // истинно вышши всех еси, Дево Чистая.

Припев: Ангели вхождение Девы зряще, удивившася: / како Богоугodne
вниде во святая святых?

Тропарь: Песнопоя Тебе, / провозглашаше Давид, глаголя Тя Дщерь Цареву, / красотю добродетелей, одесную предстоящую Бога, видев Тя упещрену. / Темже, пророчествуя, вопияше: // истинно вышши всех еси, Дево Чистая.

Припев: Ангели, зыграйте со святыми, девы, сликовствуите: /
Богоотроковица бо вниде во святая святых.

Тропарь: Богоприятну предзря, Соломон, проповеда Тя одр Царев, / живой источник запечатствован, / из негоже немутная нам произыде вода, верою вопиющим: // истинно вышши всех еси, Дево Чистая.

Припев: Ангели и человецы, Деву песньми да возвеличим: / Боголепно бо
вниде во святая святых.

Тропарь: Подаеши дарований Твою тишину, Богородице, души моей, / точащи жизнь Тебе чтущим по долгу, / Сама защищающи, и покрывающи, и соблюдающи, вопити Тебе: // истинно вышши всех еси, Дево Чистая.

Второй канон Праздника, глас 1:

Припев: Величай, душе моя, / приведенную во храм Господень и
благословенную руками иереевыми.

Ирмос: Светоносный облак, в оньже всех Владыка, / яко дождь с небесе на
руно, сниде / и воплотися нас ради, / быв Человек, Безначальный. /
Величаем вси яко Матерь Бога нашего Чистую. *(Дважды)*

Припев: Величай, душе моя, / приведенную во храм Господень и
благословенную руками иереевыми.

Тропарь: Из праведных произыде Иоакима и Анны / обещания плод –
Богоотроковица Мария / и, яко кадило приятное, плотию младенствующи, /
приводится во святилище святое // яко Святая во святых обитати.

Припев: Величай, душе моя, / приведенную во храм Господень и
благословенную руками иереевыми.

Тропарь: Младенствующую естеством и паче естества явльшуюся Матерь
Божью восхвалим песньми: / в храм бо законный Господу днесь приводится в
воню благовония, // праведных яко плод духовный.

Припев: Величай, душе моя, / приведенную во храм Господень и
благословенную руками иереевыми.

Тропарь: Со Ангелом, еже радуяся, Богородице приличне возопиим, вернии: /
радуяся, вседобрая Невесто; / радуяся, облаче светлый, из негоже нам возсия
Господь, во тьме неведения сидящим; // радуяся, всех Надеждо.

Припев: Величай, душе моя, / приведенную во храм Господень и
благословенную руками иереевыми.

Тропарь: Святых святая и Богомати Марие, / молитвами Твоими, Чистая,
свободи ны от сетей вражиих / и всякия ереси и скорби, // верно
покланяющийся образу святаго Твоего зрака.

Припев: Величай, душе моя, / Триипостаснаго и Нераздельнаго Божества
Державу.

Троби́чен: Триипостасное естество, и Нераздельную славу, / и в Божестве
Едином поёмую непрестанно на Небеси и на земли / Троицу Неразлучную
прославим, // с Сыном Отцу и Духу поклоняющемся благочестно.

Припев: Величай, душе моя, / Честнейшую и Славнейшую Горних воинств,
Деву Пречистую, Богородицу.

Богородичен: Под Твое благоутробию прибегающия верно / и поклоняющияся
благочестно Сыну Твоему, Дево Богородительнице, // яко Богу и Господу
мира, / молися от тли и бед избавити и всяческих искушений.

Припев: Ангели, вхождение Пречистой зряще, удивишася: / како Дева
вниде во святая святых?

Катавасия:

Хор: Таинство странное вижу и преславное: / Небо – вертеп, Престол
Херувимский – Деву, / ясли – вместилище, / в нихже возлежат
Невместимый – Христос Бог, // Егоже, воспевающе, величаем.

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву
Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты хвалят вся силы небесныя, и Тебе славу воссылаем, Отцу и Сыну и Святому Духу, ныне и
присно и во веки веков.

Хор: Аминь.

Светилен праздника, подобен: «Жены, услышите...»:

Юже древле предвозвести пророческое слово, / стамну, и жезл, и скрижаль,
и несекому гору, / Марию Богоотроковицу верно да восхвалим: // днесь бо
вводится во святая святых воспитатися Господу.

Слава Отцу и Сыну и Святому Духу.

Тот же светилен:

Юже древле предвозвести пророческое слово, / стамну, и жезл, и скрижаль,
и несекому гору, / Марию Богоотроковицу верно да восхвалим: // днесь бо
вводится во святая святых воспитатися Господу.

И ныне и присно и во веки веков, аминь.

Тот же светилен:

Юже древле предвозвести пророческое слово, / стамну, и жезл, и скрижаль,
и несекому гору, / Марию Богоотроковицу верно да восхвалим: // днесь бо
вводится во святая святых воспитатися Господу.

Хвалитны псалмы, глас 1:

Хор: Всякое дыханіе да хвалит Гóспода./ Хвалите Гóспода с небес,/ хвалите Гó в вышних.// Тебé подобает песнь Бóгу.

Хвалите Гó вси ангели Гó,/ хвалите Гó вся силы Гó.// Тебé подобает песнь Бóгу.

Стихиры праздника, глас 1, подобен: «Небесных чинóв...»:

На 4. Стих: Хвалите Гó на силах Гó,/ хвалите Гó по множеству величества Гó.

Стихира: Свещенóсицы дéвы,/ Приснодéву свéтло провождающе,/ прорóчествуют истинно Дúхом бóдущее:/ храм бо Бóжий Богородица сýщи,/ в храм со слáвою дéвственною,// младéнствующи, ввóдится.

Стих: Хвалите Гó во гласе трóбнем:/ хвалите Гó во псалтири и гóслех.

Стихира: Обещáния святаго и плод благослáвный/ Богородица воистинну явísя мíру,/ я́ко всех превы́шшая:/ Я́же благочéстно приводима в храм Бóжий,/ молитву рóждших исполняет,// соблюдаема Божéственным Дúхом.

На 2. Стих: Хвалите Гó в тимпáне и лице,/ хвалите Гó во струнах и оргáне.

Стихира: Небесным воспитána, Дéво, хлéбом/ вéрно в храме Госпóдни,/ родила еси мíру Жíзни Хлеб, Слово,/ Емúже, я́ко храм избранный и всенепорóчный,/ предобручíлася еси Дúхом таинственно,// обручена Бóгу и Отцú.

Стих: Хвалите Гó в кимвáлех доброгласных, хвалите Гó в кимвáлех восклицáния:/ всякое дыханіе да хвалит Гóспода.

Стихира: Да отвэ́рзется дверь Богоприятнаго хрáма:/ храм бо всех Царя и Престо́л,/ днесь со слáвою внутрь приéм,/ Иоаким возлагáет, освятив Гóсподу// от Него́ избранную в Мáтерь Себé.

Глас 2:

Слáва Отцú и Сыну и Свято́му Дúху и ны́не и прísно и во вéки веко́в. Ами́нь.

Стихира: Днесь в храм привóдится Всенепорóчная Дéва,/ во обителище Всецаря́ Бóга/ и всея́ жíзни нашея Питáтеля;/ днесь Честнéйшая Святы́ня,/ я́ко трилétствующая Юница,/ во свята́я свята́х ввóдится;/ Той возопи́м, я́ко Ангел:// радуйся, Еди́на в жена́х Благословéнная.

Иерéй: Слáва Тебé, показáвшему нам свет.

Славослóвие вели́кое:

Хор: Слáва в вышних Бóгу, и на земли́ мир, в челове́цех благоволеніе. Хвали́м Тя, благослови́м Тя, клáняем Ти ся, славослóвим Тя, благодарим Тя, вели́кия ра́ди славы Твоея́. Гóсподи Царю́ Небесный, Бóже Отче Вседержителю, Гóсподи, Сы́не Единорóдный, Иису́се Христé, и Святы́й Дúше. Гóсподи Бóже, Агнче Бóжий, Сы́не Отéчь, взéмляй грех мíра, помíлуй нас; взéмляй грехи́ мíра, прими́ молитву на́шу; седя́й одесну́ю Отца́, помíлуй нас. Я́ко Ты еси́ еди́н Свят, Ты еси́ еди́н Госпóдь, Иису́с Христóс, в слáву Бóга Отца́. Ами́нь.

На всяк день благословлю́ Тя, и восхва́лю Имя Твое́ во вéки, и в век вéка.

Сподоби, Господи, в день сей без греха сохранитися нам. Благословен еси, Господи, Боже отец наших, и хвально и прославлено Имя Твое во веки. Аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. (Трижды)

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Святыи Боже, Святыи Крепкий, Святыи Безсмертный, помилуй нас. (Трижды)

Слава Отцу и Сыну и Святому Духу и ныне и присно и во веки веков. Аминь.

Святыи Безсмертный, помилуй нас.

Святыи Боже, Святыи Крепкий, Святыи Безсмертный, помилуй нас.

Тропарь праздника, глас 4:

Хор: Днесь благоволения Божия предображение/ и человеков спасения проповедание/ в храме Божии ясно Дева является/ и Христа всем предвозвещает./ Той и мы велегласно возопиим:// радуйся, смотрения Зиждителя исполнения.

Ектения сугубая:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. (Трижды, на каждое прошение)

Диакон: Еще молимся о Великом Господине и Отце нашем Святейшем Патриархе (Имярек) , и о Господине нашем Высокопреосвященнейшем митрополите (или: архиепископе, или: преосвященнейшем епископе имярек), и всей во Христе братии нашей.

Еще молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателех святого храма сего, и о всех преждепочивших отцех и братьях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродельных во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Ектения просительная:

Диакон: Исполним утреннюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. (На каждое прошение)

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебѣ, Господи.

Иерей: Яко Благ и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебѣ, Господи.

Иерей: Твое бо есть, еже милovati и спасати ны, Боже наш, и Тебѣ славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Премудрость.

Хор: Благословий.

Иерей: Сый благословен Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебѣ, Христѣ Боже, Упование наше, слава Тебѣ.

Хор: Слава Отцу и Сыну и Святому Духу и ныне и присно и во веки веков. Аминь.

Господи, помилуй. *(Трижды.)*

Благословий.

Отпуст:

Иерей: Христос, истинный Бог наш, молитвами пречистыя Своея Матере, и всех святых, помилует и спасет нас, яко Благ и Человеколюбец.

Многолетие:

ЧИТАЕТСЯ ПЕРВЫЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадѣм Христу, Цареву нашему Богу.

Приидите, поклонимся и припадѣм Самому Христу, Цареву и Богу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотай беззакония, Ты еси: не приселится к Тебе лукавнуая, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающии на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничжения их лета будут. Утро яко трава мимоидет, утро процветет и преидет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагаях пред очима моима вещь законопреступную: творящия преступление возненавидех. Не прильпе мне сердце строптиво, уклоняющагося от мене лукаваго не познах. Оклеветашаго тай искренняго своего, сего изгонях: гордым оком, и несытым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй

неправедная, не исправляше пред очима моима. Во утрия избивах вся грешныя земли, еже потребити от града Господня вся делающия беззаконие.
Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу и Сыну и Святому Духу.

Тропарь праздника, глас 4:

Днесь благоволения Божия предображение / и человеков спасения проповедание / в храме Божии ясно Дева является / и Христа всем предвозвещает. / Той и мы велегласно возопиим: // радуйся, смотрения Зиждителя исполнения.

И ныне и присно и во веки веков. Аминь.

Что Ты наречем, о Благодатная? Небо, яко возсияла еси Солнце Правды. Рай, яко прозябла еси цвет нетления Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

Стопы моя направи по словеси Твоему и да не обладает мною всякое беззаконие. Избави мя от клеветы человеческия, и сохраню заповеди Твоя. Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспою славу Твою, весь день великолепие Твое.

Трисвятое по Отче наш:

Чтец: Святой Боже, Святой Крепкий, Святой Безсмертный, помилуй нас. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Кондак праздника, глас 4, подобен: «Вознесыйся...»:

Пречистый храм Спасов, / многоценный чертог и Дева, / священное сокровище славы Божия, / днесь вводится в дом Господень, благодать совводящи, / Яже в Дусе Божественном, / Юже воспевают Ангели Божии: // Сия есть селение

Небесное.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Боже, ущедри ны и благослови ны, просвети лице Твое на ны и помилуй ны.

Чтец: Аминь.

Иерей: Христэ, Свете Истинный, просвещающий и освящающий всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Кондак праздника, глас 4, подобен: «Вознесыйся...»:

Пречистый храм Спасов, / многоценный чертог и Дева, / священное сокровище славы Божия, / днесь вводится в дом Господень, благодать совводящи, / Яже в Дусе Божественном, / Юже воспевают Ангели Божии: // Сия есть селение Небесное.

Иерей: Слава Тебе, Христэ Боже, упование наше, слава Тебе.

Хор: **Слава Отцу и Сыну и Святому Духу и ныне и присно и во веки веков. Аминь.**

Господи, помилуй. (Трижды.)

Благослови.

Отпуст.

Иерей: Христос, истинный Бог наш, молитвами пречистыя Своея Матере, преподобных и богоносных отец наших, и всех святых, помилует и спасет нас, яко Благ и Человеколюбец.

Хор: **Господи, помилуй. (Трижды)**

Третий час:

Иерей: **Благословен** Бог наш всегда, ныне и присно, и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятѣе по Отче наш:

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас.
(Трижды)

**Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в.
Ами́нь.**

Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́
беззако́нныя на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. *(Трижды)*

**Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в.
Ами́нь.**

Отче наш, Иже еси́ на Небесе́х, да святится́ и́мя Твое́, да приидет Ца́рствие
Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь
нам днесь; и оста́ви нам до́лги на́ша, я́коже и мы оставля́ем должнико́м нашим;
и не введи́ нас во искуше́ние, но изба́ви нас от лука́ваго.

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и при́сно и во ве́ки веко́в.

Чтец: Ами́нь. Го́споди, поми́луй. *(12 раз)*

Прииди́те, поклони́мся Царе́ви на́шему Бо́гу.

Прииди́те, поклони́мся и припаде́м Христу́, Царе́ви на́шему Бо́гу.

Прииди́те, поклони́мся и припаде́м Самому́ Христу́, Царе́ви и Бо́гу на́шему.

Псалом 16:

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́ не
во устна́х льсти́вых. От лица́ Твоего́ судьба́ моя́ изы́дет, о́чи мои́ да ви́дита
право́ты. Искусил еси́ се́рдце мое́, посети́л еси́ но́щию, искусил мя еси́, и не
обрете́ся во мне неправда́. Я́ко да не возглаго́лют уста́ моя́ дел челове́ческих,
за словеса́ устен Твои́х аз сохра́них пу́ти же́стоки. Соверши́ стопы́ моя́ во стезя́х
Твои́х, да не подви́жутся стопы́ моя́. Аз воззва́х, я́ко услы́шал мя еси́, Бо́же,
приклони́ у́хо Твое́ мне и услы́ши глаго́лы моя́. Удиви́ ми́лости Твоя́, спаса́яй
упова́ющия на Тя от противящихса десни́це Твое́й. Сохрани́ мя, Го́споди, я́ко
зе́ницу о́ка, в кро́ве крилу́ Твое́ю покры́еши мя. От лица́ нечестивых
остра́стших мя, врази́ мои́ ду́шу мою́ одержа́ша. Тук свой затвори́ша, уста́ их
глаго́лаша горды́ню. Изгоня́щи мя ны́не обыдо́ша мя, о́чи свои́ возложи́ша
уклони́ти на зе́млю. Объя́ша мя я́ко лев гото́в на лов и я́ко ски́мен обита́яй в
та́йных. Воскресни́, Го́споди, предвари́ я́ и запни́ им, изба́ви ду́шу мою́ от
нечестиваго, ору́жие Твое́ от враг руки́ Твоея́. Го́споди, от ма́лых от земли́,
раздели́ я́ в животé их, и сокрове́нных Твои́х испо́лнися чре́во их, насы́тишася
сыно́в, и оста́виша оста́нки младе́нцем своим. Аз же пра́вдою явлю́ся лицу́
Твоему́, насы́щуся, внегда́ явити́ ми ся сла́ве Твое́й.

Псалом 24:

К Тебе́, Го́споди, воздвиго́х ду́шу мою́, Бо́же мой, на Тя упова́х, да не постыжу́ся
во век, ниже́ да посмею́т ми ся врази́ мои́, и́бо вси терпя́щи Тя не посты́дятся.
Да посты́дятся беззако́ннующии вотще́. Пу́ти Твоя́, Го́споди, скажи́ ми, и
стезя́м Твои́м научи́ мя. Нача́ви мя на и́стину Твою́, и научи́ мя, я́ко Ты еси́ Бог

Спас мой, и Тебѣ терпѣхъ весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположитъ согрешающимъ на пути. Наставитъ краткия на суд, научитъ краткия путемъ Своимъ. Все путие Господни милость и истина, взыскающимъ завета Его, и свидения Его. Ради имени Твоего, Господи, и очисти грех мой, много бо есть. Кто есть человекъ бояйся Господа? Законоположитъ ему на пути, егоче изволи. Душа его во благихъ водворится, и семя его наследитъ землю. держава Господь боящихся Его, и заветъ Его явитъ им. Очи мои выну ко Господу, яко Той исторгнетъ отъ сѣти нозе мой. Призри на мя и помилуй мя, яко единородъ и нищ есмь аз. Скорби сердца моего умножишася, отъ нуждъ моихъ изведи мя. Видь смирение мое, и трудъ мой, и остави вся грехи моя. Видь враги моя, яко умножишася, и ненавидениемъ неправеднымъ возненавидеша мя. Сохрани душу мою, и избави мя, да не постыжуся, яко уповахъ на Тя. Незлобивии и правии прилепляхуся мне, яко потерпѣхъ Тя, Господи. Избави, Бже, Израиля отъ всехъ скорбей его.

Псаломъ 50:

Помилуй мя, Бже, по велицей милости Твоей, и по множеству щедротъ Твоихъ очисти беззаконие мое. Наипаче омый мя отъ беззакония моего, и отъ греха моего очисти мя; яко беззаконие мое азъ знаю, и грехъ мой предо мною есть выну. Тебѣ Единому согрешихъ и лукавое предъ Тобою сотворихъ, яко да оправдишися во словесахъ Твоихъ, и победиши внегда судити Ти. Се бо, в беззаконныхъ зачатъ есмь, и во гресехъ роди мя мати моя. Се бо, истину возлюбилъ еси; безвѣстная и тайная премудрости Твоея явилъ ми еси. Окропиши мя иссопомъ, и очищуся; омыеши мя, и паче снѣга убелюся. Слуху моему даши радость и веселие; возрадуются кости смиренныя. Отврати лице Твое отъ грехъ моихъ и вся беззакония моя очисти. Сердце чисто созижди во мне, Бже, и духъ правъ обнови во утробѣ моей. Не отвержи мене отъ лица Твоего и Духа Твоего Святаго не отыми отъ мене. Воздаждь ми радость спасения Твоего и Духомъ Владычнимъ утверди мя. Научу беззаконныя путемъ Твоимъ, и нечестивии къ Тебѣ обратятся. Избави мя отъ кровей, Бже, Бже спасения моего; возрадуется языкъ мой правде Твоей. Господи, устне мои отверзеши, и уста моя возвестятъ хвалу Твою. Яко аще бы восхотѣлъ еси жертвы, далъ быхъ убо: всесожжения не благоволиши. Жертва Богу духъ сокрушенъ; сердце сокрушено и смиренно Богъ не унижитъ. Ублажи, Господи, благоволениемъ Твоимъ Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая; тогда возложатъ на олтарь Твой тельцы.

Слава Отцу и Сыну и Святому Духу и ныне и присно и во веки вековъ. Аминь.

Аллилуиа, аллилуиа, аллилуиа, слава Тебѣ Бже. (Трижды)

Господи, помилуй. (Трижды)

Слава Отцу и Сыну и Святому Духу.

Тропарь праздника, глас 4:

Днесь благоволения Божия предображение/ и человеков спасения проповедание/ в храме Божии ясно Дева является/ и Христа всем предвозвещает./ Той и мы велегласно возопиим:// радуйся, смотрения Зиждителя исполнения.

И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе молимся: молися, Владычице, со святыми апостолами помилovati души наша. Господь Бог благословен, благословен Господь день дне,/ поспешит нам Бог спасений наших, Бог наш, Бог спасати.

Трисвятое по Отче наш:

Чтец: Святыи Бже, Святыи Крепкий, Святыи Безсмертный, помилуй нас.
(Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Кондак праздника, глас 4, подoben: «Вознесыйся...»:

Пречистый храм Спасов,/ многоценный чертог и Дева,/ священное сокровище славы Божия,/ днесь вводится в дом Господень, благодать совводящи,/ Яже в Дусе Божественном,/ Юже воспевают Ангели Божии:// Сия есть селение Небесное.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христе Бже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Аминь.

Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и ижеже веси судьбами, спаси мя, недостойного раба Твоего, яко благословен еси во веки веков, аминь.

Шестой час:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 53:

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепции взыскаша душу мою, и не предложиша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Болею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возре око мое.

Псалом 54:

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклониша на мя беззаконие и во гневе враждовашу ми. Сердце мое смятется во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререkanie во граде. Днем и нощию обыдет и по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидяй мя на мя велеречевал, укрыл бых ся от него. Ты же, человек равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да приидет же смерть на ня, и да снудут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и заутра, и полудне повею, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца

их, умякнуша словеса их паче елѣа, и та суть стрѣлы. Возвѣрзи на Господа печаль твою, и Той тя препитаѣт, не даст в век молвы праведнику. Ты же, Бѣже, низведеши я в студенѣц истлѣния, мужие кровей и лъсти не преполовят дней своих. Аз же, Господи, уповаю на Тя.

Псалом 90:

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убойшия от страха ночнаго, от стрелы летящия во дни, от вещи во тме преходящия, от сряща и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Мое. Воззовет ко Мне и услышу его, с ним есмь в скорби, изму его и прославлю его, долготою дней исполню его и явлю ему спасение Мое.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Бѣже. (Трижды)

Господи, помилуй. (Трижды)

Слава Отцу и Сыну и Святому Духу.

Тропарь праздника, глас 4:

Днесь благоволения Божия предображение/ и человеков спасения проповедание/ в храме Божии ясно Дева является/ и Христа всем предвозвещает./ Той и мы велегласно возопиим:// радуйся, смотрения Зиждителя исполнения.

И ныне и присно и во веки веков. Аминь.

Яко не имамы дерзновения за премногия грехи наша, Ты иже от Тебе Рождшагося моли, Богородице Дево, много бо может моление Матернее ко благосердию Владыки. Не презри грешных мольбы, Всечистая, яко милостив есть и спасти могый, Иже и страдати о нас изволивый.

Скоро да предварят ны щедроты Твоя, Господи, яко обнищавом зело; помози нам, Бѣже, спасе наш, славы ради Имене Твоего, Господи, избави нас и очисти грехи наша, Имене ради Твоего.

Трисвятѣ по Отче наш:

Чтец: Святыи Бѣже, Святыи Крепкий, Святыи Безсмертный, помилуй нас. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Кондак праздника, глас 4, подобен: «Вознесыйся...»:

Пречистый храм Спасов, / многоценный чертог и Дева, / священное сокробище славы Божия, / днесь вводится в дом Господень, благодать совводящи, / Яже в Дусе Божественном, / Юже воспевают Ангели Божии: // Сия есть селение Небесное.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагоутробне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Аминь.

Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственных сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовь Твоею уязви души наша, да, к Тебе

всегда взирающе и еже от Тебе светом наставляеми, Тебе, неприступнаго и присноущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

Божественная литургия:

Диакон: **Благослови, владыко.**

Иерей: **Благословено Царство Отца и Сына и Святаго Духа, ныне и присно и во веки веков.**

Хор: **АМИНЬ.**

Великая ектения:

Диакон: **Миром Господу помолбимся.**

Хор: **Господи, помилуй.**

Диакон: **О Свышнем мире и спасении душ наших, Господу помолбимся.**

О мире всего мира, благостоянии Святых Божиих Церквей и соединении всех, Господу помолбимся.

О святем храме сем и с верою, благоговением и страхом Божиим входящих в оный, Господу помолбимся.

О великом Господине и Отце нашем Святейшем Патриархе (**Имярек**), и о Господине нашем, Высокопреосвященнейшем митрополите (или: архиепископе, или: преосвященнейшем епископе **имярек**), честнем пресвитерстве, во Христе диаконстве, о всем причте и людех, Господу помолбимся.

О Богохранимем стране нашей, властех и воинстве ея, Господу помолбимся.

О граде сем (или о веси сей), всяком граде, стране и верою живущих в них, Господу помолбимся.

О благорастворении воздушов, о изобилии плодов земных и временех мирных, Господу помолбимся.

О плавающих, путешествующих, недугующих, страждущих, плененных и о спасении их. Господу помолбимся.

О избавитися нам от всякия скорби, гнева и нужды, Господу помолбимся.

Заступи, спаси, помилуй и сохрани нас, Бже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: **Тебе, Господи.**

Иерей: **Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.**

Хор: **АМИНЬ.**

Первый антифон, псалом 102:

Чаще всего поется в сокращении.

Хор: **Благослови, душе моя, Господа, / благословен еси Господи. /**

Благослови, душе моя, Господа, / и вся внутренняя моя / имя святое Его. /
Благослови, душе моя, Господа, / и не забывай всех воздаяний Его, /
очищающего вся беззакония твоя, / исцеляющего вся недуги твоя, /
избавляющего от исления живот твой, / венчающего тя милостию и
щедротами, / исполняющего во благих желание твое: / обновится яко орля
юность твоя. / Твориай милостыни Господь, / и судьбу всем обидимым. /
Сказавши пути Своя Моисею, / сыновом Израилевым хотения Своя: / Щедр и Милостив
Господь, / Долготерпелив и Многомилостив. / Не до конца прогневается, / ниже
во век враждует, / не по беззаконию нашим сотворил есть нам, / ниже по
грехом нашим воздал есть нам. / Яко по высоте небесней от земли, / утвердил
есть Господь милость Свою на боящихся Его. / Елико отстоят востоцы от

запад,/ удалил есть от нас беззакония наша./ Якоже щедрит отец сыны,/ ущедри Господь боящихся Его./ Яко Той позна создание наше,/ помяну, яко персть есмь./ Человек, яко трава дние его,/ яко цвет сельный, тако оцветет,/ яко дух пройде в нем,/ и не будет, и не познает ктому места своего./ Милость же Господня от века и до века на боящихся Его,/ и правда Его на сынех сынов, хранящих завет Его, и помнящих заповеди Его творити я./ Господь на Небеси уготова Престол Свой,/ и Царство Его всеми обладает./ Благословите Господа вси Ангели Его,/ сильнии крепостию, творящии слово Его, услышати глас словес Его./ Благословите Господа вся Силы Его,/ слуги Его, творящии волю Его./ Благословите Господа вся дела Его, на всяком месте владычества Его./ **Благослови, душе моя, Господа,/ и вся внутренняя моя/ имя святое Его./** Благословен еси, Господи.

Ектения малая:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Аминь.

Второй антифон, псалом 145:

Хор: Хвали, душе моя, Господа./ Восхваляю Господа в животе моем,/ пою Богу моему, дондеже есмь./ Не надейтесь на князи, на сыны человеческия,/ в нихже несть спасения./ Изыдет дух его/ и возвратится в землю свою./ В той день погибнут вся помышления его./ Блажен, емуже Бог Иаковль Помощник его,/ упование его на Господа Бога своего,/ сотворшаго небо и землю,/ море и вся, яже в них,/ хранящаго истину в век,/ творящаго суд обидимым,/ дающаго пищу алчущим./ Господь решит окованныя./ Господь умудряет слепцы./ Господь возводит низверженныя./ Господь любит праведники./ Господь хранит пришельцы,/ сира и вдову примет/ и путь грешных погубит./ Воцарится Господь во век, // Бог твой, Сионе, в род и род.

Слава Отцу и Сыну и Святому Духу и ныне и присно и во веки веков. Аминь.

Может петься иначе: Слава: Хвали, душе, моя, Господа... И ныне: Единородный Сыне...

Единородный Сыне:

Единородный Сыне и Слове Божий, Безсмертен Сый/ и изблывый спасения нашего ради/ воплотился от Святыя Богородицы и Приснодевы Марии,/ непреложно вочеловечивыйся,/ распныйся же, Христе Боже, смертью смертью поправый,/ Един Сый Святыя Троицы, // прославляемый Отцу и Святому Духу, спаси нас.

Ектенія малая:

Діако́н: Па́ки и па́ки міром Го́споду помóлимся.

Хор: Го́споди, помíлуй.

Діако́н: Заступí, спасí, помíлуй и сохрани нас, Бо́же, Твоею благода́тию.

Хор: Го́споди, помíлуй.

Діако́н: Пресвяту́ю, Пречи́стую, Преблагословенную, Сла́вную Влады́чицу нашу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иере́й: Я́ко благ и человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Хор: Ами́нь.

Тре́тий антифо́н, Блаже́нны:

Хор: Во Ца́рствии Твое́м помяни́ нас, Го́споди, егда́ приидеши, во Ца́рствии Твое́м.

На 12: Блаже́ни ни́щии ду́хом, я́ко тех есть Ца́рство Небе́сное.

Блаже́ни пла́чущии, я́ко ти́и утеша́тся.

На 10: Блаже́ни крѳ́тци, я́ко ти́и насле́дят зе́млю.

Блаже́ни а́лчущии и жа́ждущии пра́вды, я́ко ти́и насы́тятся.

На 8: Блаже́ни ми́лостивии, я́ко ти́и помíловани бу́дут.

Праздника, глас 4:

Ирмос: *Твоя́ песносло́вцы, Богороди́це, / живы́й и незави́стный Исто́чнице, / лик себе́ совоку́пльшия, духо́вно утверди́, / в честне́м вхожде́нии Твое́м // венце́в сла́вы сподо́би.*

Блаже́ни чи́стии се́рдцем, я́ко ти́и Бо́га у́зрят.

Тропа́рь: Невестокраси́тель днесь яви́ся краси́ый Де́вы храм и черто́г, / прие́м одушевле́нный черто́г Бо́жий, // Чи́стую, и Непорѳ́чную, и Светле́йшую всея́ тва́ри.

На 6 Блаже́ни миротво́рцы, я́ко ти́и сы́нове Бо́жии нареку́тся.

Тропа́рь: Дави́д, предначина́я ликование, игра́ет, и ликовству́ет с на́ми, / и Цари́цу зовет Тя укра́шену, Пречи́стая, // предстоя́щу, Всечи́стая, в хра́ме Царю́ и Бо́гу.

Блаже́ни изгна́ни пра́вды ра́ди, я́ко тех есть Ца́рство Небе́сное.

Тропа́рь: Из нея́же преступле́ние произы́де дре́вле ро́ду челове́ческому, / из То́я исправле́ние и нетле́ние процвете́: // Богороди́ца днесь приводи́ма в дом Бо́жий.

На 4: Блаже́ни есте́, егда́ поно́сят вам, и изжену́т, и реку́т всяк зол глаго́л на вы, лжу́ще Мене́ ра́ди.

Праздника, глас 1:

Тропа́рь: Пра́зднуим, ве́рнии, пра́здник духо́вный Ма́тере Бо́жия, / воспева́юще благоче́стно: // есть бо святе́йша Небе́сных умо́в.

Ра́дуйтесь и веселите́ся, я́ко мзда ва́ша мно́га на Небесе́х.

Тропа́рь: Пес́ньми духо́вными восхва́лим, ве́рнии, Ма́терь Све́та, / я́ко днесь нам яви́ся, // предходя́щи в храм Бо́жий.

Слава Отцу и Сыну и Святому Духу.

Троицен: Отец, и Сын, и Дух правый, / Триипостасная Единице и Неразделимая Троице, // помилуй поклоняющихся Божественней Державе Твоей.

И ныне и присно и во веки веков. Аминь.

Богородичен: Во чреве Твоем вмещен Невместимый всеми, Богомати, быв, / из Тебе произыде, Пречистая, // сугуб естеством Бог и Человек.

Малый вход (с Евангелием):

Диакон: Премудрость, прости.

Хор: Приидите, поклонимся и припадём ко Христу. Спаси ны, Сыне Божий, во святых дивен Сый, поющия Ти: аллилуиа.

В церковно-богослужебной практике (ср.: Розанов Н., прот. Руководство для лиц, отправляющих церковные богослужения... в Московском Кафедральном Христа Спасителя соборе и Московском Большом Успенском соборе в течение всего года... М., 1901. С. 25) в подобных случаях, а также на двенадцатые Богородичные праздники, их предпразднство, попразднство и отдание обычно поется «...молитвами Богородицы...», хотя Типикон не дает такого указания. «Припев: „Спаси ны, Сыне Божий, молитвами Богородицы, поющия Ти...” – продукт литургической самодеятельности. Его не знает ни Устав, ни литургика. Он и стилистически шероховат (слова „молитвами Богородицы” в подобных припевах стоят в начале, а после „Сыне Божий” требуется определение с артиклем о́). По Уставу и на праздники Богородичные положен припев „Спаси ны, Сыне Божий, во святых Дивен сый...”. По-видимому, отцы – составители Устава видели в Богородице Возглавительницу всего лика святых» (из письма проф. Д. П. Огицкого свт. Афанасию (Сахарову) от 19–22 апреля 1961 года; см.: Переписка Д. П. Огицкого с епископом Афанасием (Сахаровым) // Журнал Московской Патриархии. М., 1997. № 7. С. 71). – Богослужебные указания, сноски 1 и 2 службы 6 июля н.ст.

Тропарі и кондакі по входе:

Тропарь праздника, глас 4:

Хор: Днесь благоволения Божия предображение / и человеков спасения проповедание / в храме Божии ясно Дева является / и Христа всем предвозвещает. / Той и мы велегласно возопиим: // радуйся, смотрения Зиждителя исполненіе.

Слава Отцу и Сыну и Святому Духу и ныне и присно и во веки веков. Аминь.

Кондак праздника, глас 4, подобен: «Вознесыйся...»:

Пречистый храм Спасов, / многоценный чертог и Дева, / священное сокробище славы Божия, / днесь вводится в дом Господень, благодать совводящи, / Яже в Дусе Божественном, / Юже воспевают Ангели Божии: // Сия есть селение Небесное.

Диакон: Господу помолимся.

Хор: Гóсподи, помилуй.

Иерей: Яко Свят еси, Бóже наш, и Тебé славу возсылаем, Отцú и Сыну и Святому Дúху, ныне и присно.

Диакон: Гóсподи, спаси благочестивыя.

Хор: Гóсподи, спаси благочестивыя.

Диакон: И услыши ны.

Хор: И услыши ны.

Диакон: И во вéки векóв.

Хор: Амíнь.

Трисвятóе:

Хор: Святы́й Бóже, Святы́й Кре́пкий, Святы́й Безсме́ртный, помилуй нас.
(Трижды)

Сла́ва Отцú и Сыну и Святому Дúху и ныне и присно и во вéки векóв.
Амíнь.

Святы́й Безсме́ртный, помилуй нас.

Святы́й Бóже, Святы́й Кре́пкий, Святы́й Безсме́ртный, помилуй нас.

Диакон: Вóннем.

Иерей: Мир всем.

Чтец: И дúхови твоему́.

Диакон: Премудрость.

Прокíмен Богородицы, глас 3:

Чтец: Прокíмен, глас трéтий, песнь Богородицы:

Величит душа́ Моя́ Гóспода, / и возрадовася дух Мой о Бóзе Спа́се Моём.

Хор: Величит душа́ Моя́ Гóспода, / и возрадовася дух Мой о Бóзе Спа́се Моём.

Чтец: Яко призрe на смире́ние Рабы́ Своея́, се бо отны́не ублажа́т Мя вси ро́ди.

Хор: Величит душа́ Моя́ Гóспода, / и возрадовася дух Мой о Бóзе Спа́се Моём.

Чтец: Величит душа́ Моя́ Гóспода, /

Хор: И возрадовася дух Мой о Бóзе Спа́се Моём.

Чтéние Апóстола:

Диакон: Премудрость.

Чтец: Ко Евре́ом послáния свята́го апóстола Па́вла чтéние.

Диакон: Вóннем.

(Богородицы: Евр, зач.320: гл.9, стт.1-7):

Чтец: Бра́тие, имéяше пéрвая ски́ния оправда́ния слúжбы, святóе же людско́е. Ски́ния бо сооружена́ бысть пéрвая, в нейже свети́льник, и трапéза, и предложéние хле́бов, яже глаго́лется Свята́я. По вторéй же завéсе ски́ния глаго́лемая, Свята́я святы́х. Зла́ту имúщи кади́льницу, и ковчéг завéта оковáн всю́ду зла́том, в нёмже ста́мна злата́ имúщая ма́нну, и жезл Аарóнов прозя́бший, и скрижа́ли завéта. Превы́шше же его́ херувими́ сла́вы, осеня́ющие олта́рь: о нихже несть ны́не глаго́лати подро́бну. Сим же та́ко устро́еным, в пéрвую úбо ски́нию вы́ну вхожда́ху священни́цы, слúжбы соверша́юще. Во вторóую же еди́ною в ле́то еди́н архиерей, не без кро́ве, ю́же прино́сит за себе́, и о людски́х неве́жествиих.

Иерей: Мир ти.

Чтец: И дүхови твоему.

Диакон: Премудрость.

Аллилуарий Богородицы, глас 8:

Чтец: Глас осьмый: Аллилуия, аллилуия, аллилуия.

Хор: Аллилуия, аллилуия, аллилуия.

Чтец: Слыши, Дщи, и виждь, и приклони ухо Твое.

Хор: Аллилуия, аллилуия, аллилуия.

Чтец: Лицу Твоему помоблятся богати людстии.

Хор: Аллилуия, аллилуия, аллилуия.

Диакон: Благослови, владыко, благовестителя святаго Апостола и Евангелиста Луки.

По служебнику этот диалог произносится не во всеуслышание в алтаре во время пения Аллилуария, но также распространена практика произнесения этого диалога возгласно после Аллилуария.

Иерей: Бог, молитвами святаго, славнаго, всехвальнаго Апостола и Евангелиста Луки, да даст тебе глагол благовествующему силою мною, во исполнение Евангелия возлюбленнаго Сына Своего, Господа нашего Иисуса Христа.

Диакон: Аминь.

Второй диакон: Премудрость, прости, услышим святаго Евангелия.

Иерей: Мир всем.

Хор: И дүхови твоему.

Диакон: От Луки святаго Евангелия чтение.

Хор: Слава Тебе, Господи, слава Тебе.

Второй диакон: Вбнем.

Чтение Евангелия:

(Богородицы: Лк., зач.54: гл.10, стт.38-42; гл.11, стт.27-28):

Диакон: Во время оно, вниде Иисус в весь некую: жена же некая именем Марфа прият Его в дом свой. И сестра ей же нарицаемая Мария, яже и седши при ногу Иисусову, слышаше слово Его. Марфа же молвляше о мнозе службе, ставши же рече: Господи, не брежеш ли, яко сестра моя едину мя остави служити; рцы убо ей, да ми поможет. Отвещав же Иисус, рече ей: Марфо, Марфо, печешися и молвиши о мнозе. Едино же есть на потребу. Мария же благу часть избра, яже не отыметя от нея. Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. Он же рече: темже убо блажени слышашии слово Божие, и хранящии е.

Хор: Слава Тебе, Господи, слава Тебе.

Ектения сугубая:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **(Имярек)**, и о Господине нашем Высокопреосвященнейшем митрополите (или: архиепископе, или: преосвященнейшем епископе

имярэк), и всей во Христѣ брѣтии нашей.

Еще молимся о Богохранимѣй странѣ нашей, властѣх и воинствѣ ея, да тихое и безмолвное житиѣ поживѣм во всяком благочестии и чистотѣ.

Еще молимся о брѣтиях наших, священницѣх, священномонасѣх, и всем во Христѣ брѣтствѣ нашем.

Еще молимся о блаженных и приснопамятных создателѣх святаго храма сего, и о всех преждепочивших отцѣх и брѣтиях, зде лежащих и повсюду, православных.

Еще молимся о милости, жизни, мирѣ, здравии, спасѣнии, посещѣнии, прощѣнии и оставлѣнии грѣхов рабѣв Божиих настоятеля, брѣтии и прихожан святаго храма сего.

Еще молимся о плодоносящих и добродѣющих во святѣм и всечестнѣм храмѣ сем, труждающихся, поющих и предстоящих людѣх, ожидающих от Тебѣ великия и богатыя милости.

Иерей: **Яко Милостив и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.**

Хор: **АМИНЬ.**

Ектенія об оглашенных:

Диакон: Помолитесь, оглашеннии, Господевѣ.

Хор: **Господи, помилуй. (На каждое прошение)**

Диакон: Вѣрнии, о оглашенных помолимся, да Господь помилует их.

Огласит их словом истины.

Открыет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Бже, Твоею благодатию.

Оглашеннии, главы ваша Господевѣ приклоните.

Хор: **Тебѣ, Господи.**

Иерей: **Да и тии с нами славят пречестное и великолепое имя Твое, Отца, и Сына, и Святаго Духа, ныне и присно, и во веки веков.**

Хор: **АМИНЬ.**

Ектенія вѣрных, первая:

Диакон: Елицы оглашеннии, изыдите, оглашеннии, изыдите, елицы оглашеннии, изыдите, да никто от оглашенных, елицы вѣрнии, паки и паки миром Господу помолимся.

Хор: **Господи, помилуй.**

Диакон: Заступи, спаси, помилуй и сохрани нас, Бже, Твоею благодатию.

Хор: **Господи, помилуй.**

Диакон: Премудрость.

Иерей: **Яко подобает Тебѣ всякая слава, честь и поклонение, Отцу, и Сыну, и Святому Духу, ныне и присно, и во веки веков.**

Хор: **АМИНЬ.**

Ектенія вѣрных, вторая:

Диакон: Паки и паки, миром Господу помолимся.

Хор: **Господи, помилуй. (На каждое прошение)**

Диакон: О свѣшнем мирѣ и спасѣнии душ наших, Господу помолимся.

О мирѣ всего мира, благостоянии святых Божиих церквей и соединѣнии всех, Господу помолимся.

О святѣм храмѣ сем и с верою, благоговѣнием и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Премудрость.

Иерей: Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Херувимская песнь:

Хор: Иже Херувимы тайно образующе и животворящей Троице Трисвятую песнь припевающе, всякое ныне житейское отложим попечение.

Великий вход:

Диакон: Великаго господина и отца нашего **(ИМЯРЕК)**, Святейшаго Патриарха всея Руси, и господина нашего (Высоко-) Преосвященнейшаго **(имярек)**, (архи-)епископа (митрополита (титул)), да помянет Господь Бог во Царствии Своем всегда, ныне и присно, и во веки веков.

Иерей: Преосвященныя митрополиты, архиепископы и епископы, и весь священнический и монашеский чин, и причет церковный, братию святого храма сего, всех вас, православных христиан, да помянет Господь Бог во Царствии Своем, всегда, ныне и присно, и во веки веков.

Хор: Аминь. Яко да Царя всех подыдем, ангельскими невидимо дориносима чинми. Аллилуиа, аллилуиа, аллилуиа.

Ектения просительная:

Диакон: Исполним молитву нашу Господеву.

Хор: Господи, помилуй. *(На каждое прошение)*

Диакон: **О** предложенных Честных Дарех, Господу помолимся.

О святем храме сем, и с верою, благоговением и страхом Божиим входящих в оный, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судиии Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Иерей: Мир всем.

Хор: И дѹхови твоемѹ.

Диакон: Возлюбим друг друга, да единомыслием испове́мы.

Хор: Отца, и Сына, и Святаго Дѹха, / Троицу единосущную / и нераздельную.

Диакон: Двери, двери, премудростию вондем.

Символ вѣры:

Люди: Вѣрую во еди́наго Бѹга Отца Вседержителя, Творца небу и земли, видимым же всем и невидимым. И во еди́наго Гѹспода Иису́са Христа, Сына Бѹжия, Единоро́днаго, Иже от Отца ро́ждѣннаго прѣжде всех век. Свѣта от Свѣта, Бѹга и́стинна от Бѹга и́стинна, ро́ждѣнна, несотворѣнна, единосущна Отцу́, Имже вся бы́ша. Нас ра́ди человек и нашего ра́ди спасѣния сше́дшаго с небѣс и воплотившагося от Дѹха Свята и Марии Дѣвы и вочеловѣчшася. Распя́таго же за ны при Понтийстем Пилáте, и страда́вша, и погребѣнна. И воскрѣсшаго в трѣтій день по Писáнием. И возше́дшаго на небеса́, и седя́ща одесную́ Отца́. И па́ки грядущаго со славою суди́ти живым и мѣртвым, Егѹже Цáрствию не бѹдет конца́. И в Дѹха Свята́го, Гѹспода, Животворящаго, Иже от Отца́ исходящаго, Иже со Отце́м и Сы́ном спокланя́ема и сславима, глаго́лавшаго проро́ки. Во еди́ну Святу́ю, Собѹрную и Апѹстольскую Цѣрковь. Испове́дую еди́но крещѣние во оставлѣние грехѹв. Чаю́ воскрѣсѣния мѣртвых, и жи́зни бѹдущаго ве́ка. Ами́нь.

Евхаристический Канѹн:

Диакон: Стáнем доб́ре, стáнем со стра́хом, вѹндем, свято́е возноше́ние в ми́ре приноси́ти.

Хор: Ми́лость ми́ра, / же́ртву хвалѣния.

Иерей: Благода́ть Гѹспода нашего́ Иису́са Христа́, и любѹ Бѹга и Отца́, и причáстие Свята́го Дѹха, бѹди со все́ми ва́ми.

Хор: И со дѹхом твои́м.

Иерей: Горѣ имѣим сердца́.

Горѣ = к Горне́му, духо́вному, ввысь

Хор: И мамы ко Гѹсподу.

Иерей: Благодаримъ Гѹспода.

Хор: Досто́йно и пра́ведно есть / покланя́тися Отцу́ и Сы́ну, и Свято́му Дѹху, // Троице́ единосущней и нераздельней.

Иерей: Побѣдную́ песнь пою́ще, вопию́ще, взыва́юще и глаго́люще.

Хор: Свят, свят, свят Господь Савао́ф, / исполнь небо и земля́ славы Твоея́; / осáнна в вы́шних, / благословѣн Гряды́й во и́мя Господне, / осáнна в вы́шних.

Иерей: Примите, ядите, сие́ есть Тѣло Моѣ́, е́же за вы ломимое во оставлѣние грехѹв.

Хор: Ами́нь.

Иерей: Пийте от нея́ вси, сия́ есть Кровь Моя́ Но́ваго За́вета, я́же за вы и за мно́гия излива́емая, во оставлѣние грехѹв.

Хор: Ами́нь.

Иерей: Твоя́ от Твои́х Тебѣ принося́ще, о всех и за вся.

Хор: Тебѣ поём, / Тебѣ благословимъ, / Тебѣ благодаримъ, Гѹсподи, / и мо́лим Ти ся, Бѹже наш.

Иерей: Изрядно о Пресвятей, Пречистой, Преблагословенной, Славней Владычице нашей Богородице и Приснодеве Марии.

Вместо Достойно:

Припев: Ангели, вхождение Пречистыя зряще, удившася:/ како Дева
вниде во святая святых?

Ирмос, глас 4: *Яко одушевленному Божю кивоту/ да никакоже коснется
рука скверных,/ устне же верных Богородице немолчно,/ глас Ангела
воспевающе, с радостию да вопиют:/ истинно вышши всех еси, Дево
Чистая.*

Иерей: В первых помяни, Господи, великаго господина и отца нашего (ИМЯРЕК), Святейшаго
Патриарха всея Руси, и господина нашего (Высоко-) Преосвященнейшаго (имярек), (архи-)епископа
(митрополита (титул)), ихже даруй святым Твоим церквам, в мире, целых, честных, здравых,
долгоденствующих, право правящих слово Твоея истины.

Хор: И всех, и вся.

Иерей: И даждь нам едиными усты и едином сердцем славити и воспевати пречестное и великолепое
имя Твое, Отца, и Сына, и Святаго Духа, ныне и присно, и во веки веков.

Хор: АМИНЬ.

Иерей: И да будут милости великаго Бога и Спаса нашего Иисуса Христа со всеми вами.

Хор: И со духом твоим.

Ектения просительная:

Диакон: Вся святыя помянувше, паки и паки миром Господу помолимся.

Хор: Господи, помилуй. *(На каждое прошение)*

Диакон: О принесенных и освященных Честных Дарех, Господу помолимся.

Яко да человеколюбец Бог наш, прием я во святый и пренебесный и мысленный Свой жертвенник, в воню
благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа прбсим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа прбсим.

Прощения и оставления грехов и прегрешений наших у Господа прбсим.

Добрых и полезных душам нашим и мира миру у Господа прбсим.

Прочее время живота нашего в мире и покаянии скончати у Господа прбсим.

Христианския кончины живота нашего, безболезнены, непостыдны, мирны и добраго ответа на Страшнем
Судищи Христове прбсим.

Соединение веры и причастие Святаго Духа испросивше, сами себе, и друг друга, и весь живот наш Христу
Богу предадим.

Хор: Тебе, Господи.

Иерей: И сподоби нас, Владыко, со дерзновением, неосужденно смети призывати Тебе, Небеснаго Бога
Отца, и глаголати:

Молитва Господня:

Люди: Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Ами́нь.

Иерей: Мир всем.

Хор: И духови твоему.

Диакон: Главы ваша Господеви приклоните.

Хор: Тебе, Господи.

Иерей: Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Ами́нь.

Диакон: Вонмем.

Иерей: Свята́я святы́м.

Хор: Един свят, / един Господь, / Иисус Христос, / во славу Бога Отца. / Ами́нь.

Прича́стен Богородицы:

Ча́шу спасения прииму́, и имя Господне призову́. Аллилу́ия. *(Трижды)*

Прича́стие:

Диакон: Со страхом Божиим и верою приступите.

Хор: Благословен Грядый во имя Господне, Бог Господь и явися нам.

Иерей: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститися пречистых Твоих Таинств, во оставление грехов и в жизнь вечную. Ами́нь.

Вечери Твоя тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или во осуждение будет мне причащение Святы́х Твои́х Таин, Господи, но во исцеление души и тела.

Во время Причащения людей:

Хор: Тело Христово примите, Источника безсмертнаго вкусите.

После Причащения людей:

Хор: Аллилу́ия, аллилу́ия, аллилу́ия.

Иерей: Спаси, Боже, люди Твоя, и благослови достояние Твое.

Хор: Видехом свет истинный, / прияхом Духа Небеснаго, / обретохом веру истинную, / нераздельней Троице поклоняемся, // Та бо нас спасла есть.

Иерей: Всегда, ныне и присно, и во веки веков.

Хор: Ами́нь. Да исполнятся уста наша / хваления Твоего Господи, / яко да поем славу Твою, / яко сподобил еси нас причаститися / Святым Твоим, Божественным, безсмертным и животворящим Тайнам, / соблюди нас во Твоей святыни / весь день поучатися правде Твоей. // Аллилу́ия, аллилу́ия, аллилу́ия.

Ектенія заключительная:

Диáкон: Прости приимше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

Хор: Господи, помилуй.

Диáкон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диáкон: День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: С миром изыдем.

Хор: О имени Господни.

Диáкон: Господу помолимся.

Хор: Господи, помилуй.

Заамвóнная моли́тва:

Иерей: Благословляяй благословящия Тя, Господи, и освящаяй на Тя уповающия, спаси люди Твоя и благословии достояние Твое, исполнение Церкви Твоея сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священником, воинству и всем людем Твоим. Яко всякое даение благо, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

Хор: Аминь. Буди Имя Господне благословено от ныне и до века. *(Трижды)*

Псалом 33:

Хор: Благословлю Господа на всякое время, / выну хвала Его во устех моих. / О Господе похвалится душа моя, / да услышат кротции, и возвеселятся. / Возвеличите Господа со мною, / и вознесем Имя Его вкупе. / Взысках Господа, и услыша мя, / и от всех скорбей моих избави мя. / Приступите к Немю, и просветитесь, / и лица ваша не постыдятся. / Сей нищий воззва, и Господь услыша и, / и от всех скорбей его спасе и. / Ополчится Ангел Господень окрест боящихся Его, / и избавит их. / Вкусите и видите, яко благ Господь: / блажен муж, иже уповает на Нь. / Бойтесь Господа, вси святии Его, / яко несть лишения боящимся Его. / Богатии обнищаша и взалкаша: / взыскающии же Господа не лишатся всякаго блага. / Приидите, чада, послушайте мене, / страху Господню научу вас. / Кто есть человек хотяй живот, / любяй дни видети блага? / Удержи язык твой от зла, / и устне твои, еже не глаголати лести. / Уклонися от зла и сотвори благо. / Взыщи мира, и поженй и. / Очи Господни на праведныя, / и уши Его в молитву их. / Лице же Господне на творящия злая, / еже потребити от земли память их. / Воззваша праведнии, и Господь услыша их, / и от всех скорбей их избави их. / Близ Господь сокрушенных сердцем, / и смиренных духом спасет. / Многи скорби праведным, / и от всех их избавит я Господь. / Хранит Господь вся кости их, / ни единая от них сокрушится. / Смерть

грешников люта, / и ненавидящи праведнаго прегрешат. / Избавит Господь души раб Своих, / и не прегрешат // вси, уповающи на Него.

Иерей: Благословение Господне на вас, Того благодатию и человеколюбием, всегда, ныне и присно, и во веки веков.

Хор: Аминь.

Иерей: Слава Тебе, Христе Боже, упование наше, слава Тебе.

Хор: Слава Отцу и Сыну и Святому Духу и ныне и присно и во веки веков. Аминь.

Господи, помилуй. *(Трижды.)*

Благослови.

Отпуст:

Иерей: Христос, истинный Бог наш, молитвами пречистой Своей Матере...

Многолетие:

Молитва Пресвятой Владычице нашей Богородице

О, Пресвятая Дево, Царица Небес и земли, прежде век избранная Невесто Божия, в последняя же времена пришедшая в храм законный на обручение Жениху Небесному! Ты оставила еси люди Твоя и дом отца Твоего, во еже принести Себе в жертву чистую и непорочную Богу, и первая дала еси обет всегдашняго девства. Даруй же нам соблюдать себе в целомудрии и чистоте и в страхе Божиим во вся дни живота нашего, да будем храмы Духа Святаго, наипаче помози всем в подражание Твое во обителях живущим и обручившим себе на служение Богу в чистоте девства провождати житие свое и от юности нести иго Христова благое и легкое, свято храняще обеты своя. Ты провела еси, Всечистая, вся дни юности Твоея в храме Господнем вдали от соблазнов мира сего, в присном бодрствовании молитвенном и во всяком воздержании душевном и телесном, помози и нам отражати вся искушения вражеския от плоти, мира и диавола находящия на ны от юности нашея, и побеждати оныя молитвою и постом. Ты в храме Господнем со Ангелы пребывающи, украсилася еси всеми добродетельми, наипаче же смирением, чистотою и любовью и достойно воспиталася еси, да готова будеши вместити плоть Невместимое Слово Божие. Сподоби же и нам, одержимым гордостью, невоздержанием и леностию, облещися во всякое совершение духовное, да уготвует кийждо от нас с помощью Твоею одеяние брачное души своея и елей доброделания, да не нази и неготови явимся во сретение Безсмертному Жениху нашему и Сыну Твоему, Христу Спасителю и Богу нашему, но да примет ны с мудрыми девами во обители райския, идеже со всеми святыми сподоби нас выну славити и прославляти всесвятое имя Отца и Сына и Святаго Духа и Твое милостивое заступление всегда, ныне и присно, и во веки веков. Аминь.

**Полезная информация о памяти Введения во храм Пресвятыя
Владычицы нашея Богородицы**

Введение во храм Пресвятой Богородицы совершилось, по сохраненным Преданием рассказам, следующим образом. Родители Девы Марии, праведные Иоаким и Анна, молясь о разрешении неплодства, дали обет, если родится дитя, посвятить его на служение Богу.

Когда Пресвятой Деве исполнилось три года, святые родители решили выполнить свое обещание. Собрав родственников и знакомых, одев Пречистую Марию в лучшие одежды, с пением священных песней, с зажженными свечами в руках привели ее в Иерусалимский храм. Там встретил отроковицу первосвященник со множеством священников. В храм вела лестница в пятнадцать высоких ступеней. Младенец Мария, казалось, не могла бы Сама взойти по этой лестнице. Но как только Ее поставили на первую ступень, укрепляемая силой Божией, Она быстро преодолела остальные ступени и взшла на верхнюю. Затем первосвященник, по внушению свыше, ввел Пресвятую Деву в Святое святых, куда из всех людей только раз в году входил первосвященник с очистительной жертвенной кровью. Все присутствовавшие в храме дивились необыкновенному событию.

Праведные Иоаким и Анна, вручив Дитя воле Отца Небесного, возвратились домой. Преблагословенная Мария осталась в помещении для девственниц, находившемся при храме. Вокруг храма, по свидетельству Священного Писания (Исх. 38; 1 Цар. 1, 28; Лк. 2, 37) и историка Иосифа Флавия, имелось много жилых помещений, в которых пребывали посвященные на служение Богу.

Глубокой тайной покрыта земная жизнь Пресвятой Богородицы от младенчества до вознесения на небо. Сокровенна была и Ее жизнь в Иерусалимском храме. "Если бы кто спросил меня, - говорил блаженный Иероним, - как проводила время юности Пресвятая Дева, - я ответил бы: то известно Самому Богу и Архангелу Гавриилу, неотступному хранителю Ее".

Но в Церковном предании сохранились сведения, что во время пребывания Пречистой Девы в Иерусалимском храме она воспитывалась в обществе благочестивых дев, прилежно читала Священное Писание, занималась рукоделием, постоянно молилась и возрастала в любви к Богу. В воспоминание Введения Пресвятой Богородицы в Иерусалимский храм Святая Церковь с древних времен установила торжественное празднество. Указания на совершение праздника в первые века христианства находятся в преданиях палестинских христиан, где говорится о том, что святая царица Елена построила храм в честь Введения во храм Пресвятой Богородицы.

В IV веке упоминание об этом празднике есть у святителя Григория Нисского. В VIII веке проповеди в день Введения произносили святители Герман и Тарасий, Константинопольские патриархи.

Праздник Введения во храм Пресвятой Богородицы - предвозвестие благоволения Божия к человеческому роду, проповедь спасения, обетование Христова пришествия.